

三國遺事

연세대학교 박물관

파른 본



三國遺事 王曆第一

前漢宣帝新羅

五鳳^{甲子}四第一赫居世 姓朴 生年十

甘露^{辰四} 三帝子即位理平年 妹伊茨城英白口信羅

黃龍^{壬申一} 伐又徐伐衣斯 或羅林 說王脫解王時姑置羅 林之

元帝

初元^{庚酉五}

永光^{丙寅五}

建昭^{癸未六} 甲申尊金城

成帝

建始^{己丑四}

高麗

元東明王

甲申立王子 姓高 年朱 家一作徐 家

三國遺事 王曆第一

前漢宣帝新羅

五鳳^{甲子}四第一赫居世 姪朴卯 生年十

甘露^{辰四} 三甲子即位理本年休 娥伊黃城英國日 徐留難

黃龍^{壬一} 伐又徐汝衣斯 或維林 號王脫解王時外置羅

元帝 林之 号

初元^{癸五}

永光^{戊五}

延昭^{癸六}甲申箕金城 高麗 分東明王

成帝

建始^{己四}

甲申立理十 姓高 家一作 會君

河平 巳四

陽朔 丁四

鴻嘉 辛四

永始 巳四

元延 巳四

哀帝 二

哀帝 二

建平 乙四

元壽 巳二

平帝

第二瑯琊王 百濟

第一溫祚王

一作累利又留
東明子立孟賁
姓解氏

東明第三子至
第二天知在
位甲五都
城一云蛇川今社
山

丙辰移都漢
山今廣州

元始 酉七

羅第二南解次雄麗

濟

洛

孺子

初始 戌一

新室

建國 巳五

天鳳 甲六

地鳳 丙三

更始 未二

後漢 虎帝

建虎 酉三

父赫居世母閼婁姁於地
屋席夫人甲子立理二十
年此王位亦
云居西干

夫亥 移都國
內城亦
云不
而城

第三弩礼努尼叱今

父南解母承云帝如婢
王之女金氏甲申立理
二十三年尼叱今
或作尼師今

第三大虎神王

名無恤一作味
留姓解氏瑠璃
王第三子成
立理二十六年

第四閼中王 色

朱姓解氏大虎之
子甲辰立理四
年

第二多婁至 駕洛國 今金州

温祚第二子成
子立理四十九
首露王 今雷
生

第五慕本主 年

閔中之元各參留一作曼茂申立理五年

是月即位理一百五十八年因金相而生故姓金氏開皇曆載

中元^{丙辰}二 第四脫解^{一作解尼叱}

明帝

永平^{戊午}七

章帝

建初^{丙子}十八

元和^{甲申}三

章和^{丁亥}二

和帝

第六國祖王

名宮亦云大祖王美丑立理九

十三年後漢傳云初生開目能

視後遜位于母弟次大王

第三已婁王

多婁子丁丑立理五十五年

永元^{丑壬}十七 羅

顯

濟

洛

殤帝

元興^巳

安帝

延平^{丙午}

永初^{丁未}七 第六祗磨尼叱今

元初^{甲寅}六

永寧^{庚申}

建光^{辛酉}

迎光^{壬戌}四

順帝

一作祗味姓朴氏父婆婁母史肖夫人妃蘇帝國王之女 朴夫人一作愛 礼金氏壬子立理二十三年是王代祗立百廿只國今多康及押泥國

永建丙寅第六 第七 迭聖尼叱今

陽嘉嘉興 父娶礼王之元女云松
君王妃 礼夫人日和

永和丙午 舊文王之父
夫人 穆君王之女母伊

漢安壬午 刊生夫人云云 王
夫人甘氏甲戌立理二
十年

建康甲申

冲帝

永嘉乙酉

帝

本初丙戌

桓帝

建和丁亥

第四蓋婁王
已妻于戊辰立
理三十八年

第七次大王 遂
國祖王母弟
丙戌立理十九
年

和平庚辰 羅

元嘉祥二

永興癸二 第九阿達羅尼叱今

永壽未三

延熹戌九 又繼陸國相
嶺 立明人彌勒大
院東嶺是也

永康打

靈帝

建寧甲四

熹平壬六

光和壬六

中平甲五

獻

濟

洛

乙巳 國祖至年百九歲兄
三王相見於于謝王

第八新大王 名 第五肖古王 作
一作肖句乙巳
立理十四年

立理十四年

孝宗古蓋婁子
丙午立理五十年

第九故國川王
各男虎戎去
夷護已立

洪農文獻帝

永漢
巳

初平
庚午四

興平
甲戌二

建安
丙子

曹魏文帝

黃初
庚子七

明帝

大和
未六

青龍
美丑四

景初
丁三

齊王

正始
庚申九

嘉平
巳五

高貴
御

正元
甲戌二

甘露
丙子四

陳留王

景元
庚辰四

西晉
虎帝

泰始
丙子十

咸寧
乙未五

理三十年國川
亦曰國衰及葬
地名

第十
尼琴

第十七
巢川王

第二
居登王

首露子母
許皇后巳
卯立理五十
五年姓金氏

第
沙洋王

以
仇首
之子立即廢

羅

濟

洛

第十二
解尼

一作詒解王昔氏助黃
手之同母弟也丁卯立
理十五年始興
高貴通聘

第八
古尔王

之母弟甲寅
立理五十二年

第十三
末鄒尼

今一作味始又末祖余
召姓余氏始立父仇
道高文王母弟也丁卯立

第十三
西川王

各樂盧又
若及庚寅
之末本氏始諸賢妻立
光朝娘幸立理五十年

第三
麻品王

又居登王母泉
府知申輔之
女立本貞夫
人巳卯立

大康 漢士 第十四儒禮尼叱今

立理二 十年

第九真替王

理三 二年

惠帝

一作世里智王 昔氏又諸 賈母 台夫人林氏甲辰

堆舊王名相夫 壬子立治八年

第十四烽上王 治十 二年

古尔子一作青 替謀丙午立

元康 亥九

立治十五年 補等月城

堆舊王名相夫 壬子立治八年

永安 庚二

第五基臨尼叱今

第十汾西王 子戊午立 治六年

第四居叱林 王一作今勿又 曆四母好化

太安 壬二

一作基立王昔氏諸賈 王之第二子也册阿尔

第十五美川王 一云好壞名乙 佛又漫弗帝 立理三 十一年

王一作今勿又 曆四母好化 辛亥立治 五十五年

永興 甲三

夫入戊午立 治十二年

第十一比流王 仇者第二子沙 泮之弟也甲子 立治四 十年

光熙 丙寅

丁卯年定国号曰新羅 新者德業曰新羅者 網羅四方之民云或 余智證法與之世

立理三 十一年

第十一比流王 仇者第二子沙 泮之弟也甲子 立治四 十年

懷帝

丁卯年定国号曰新羅 新者德業曰新羅者 網羅四方之民云或 余智證法與之世

立理三 十一年

第十一比流王 仇者第二子沙 泮之弟也甲子 立治四 十年

永嘉 庚六 第六乞解尼叱今

愍帝

昔氏父子老音甲午 脚於解王第二子也 庚午立治十六年 是王 伐百濟兵始來侵

建興 癸四

庚午立治十六年 是王 伐百濟兵始來侵

東晉中宗 羅

廉

濟

洛

建武 丁丑

大興 戊四

明帝

永昌 壬午

太寧 癸三

顯宗

咸和 丙九

咸康 未八

康帝

建元 癸二

已丑始算 始算骨疑 周 万七千二十六步 百六十六步水 日一万四千七十

第六國皇 名劍又斯曳或云陶上 辛卯立理四十年

增等 平壤城 壬寅八月移 都於龍城即

第十契王 汾西 元子

宗

永和^{乙丑}第十七奈勿麻立干

昇平^{丁丑}

哀帝

隆和^{壬戌}

興寧^{癸亥}

廢帝

大和^{丙寅}

簡文帝

咸安^{辛未}

烈宗

寧康^{庚酉}

大元^{丙子}

安帝

隆安^{丁酉}

元興^{壬午}

義熙^{己丑}第十九訖祗麻立干

恭帝

元熙^{癸巳}

宋武帝

城都

甲辰立
理二年

第十三近肖堂

比流第三子丙午
立理二十九年

第五伊品王

父居叱林毋
阿志丙午立
理六年

理六年

十六年陵在
星其室西南

弟 角干毋
金氏丙辰立理四

一作 王金氏
葛文王 一作 角干王之

第十七小獸林

王名在天辛未
立理十三年

辛未移都
北湖山

第十四近肖首王
近肖古之子也
立理九年

第六國壤王

名智德又校
甲申立治八年

第十五枕流王

近仇首子
甲申立

第九廣開王

名談德壬辰
立治二十一年

第六辰斯王

一作阿步辰斯子
立治七年

第七阿莘王

一作真支王名映阿
立治十五年

第六坐知王

一云金吐王父伊品
毋真信丁未立
十四年

巳立治四
十一年

丙辰王金氏文奈勿王母
名臣 吳丑立
礼希夫入金氏末鄰王
子治七十九年

知角干 礼生夫入會氏登也
阿四十也
阿留夫入生立治十五
王即瑞述之女

第十會聖麻立干
一作實王王父 宗金
文赤鄰王弟大西

永初庚三

小帝

第九多尔衮 第七吹希王

一云金吉吾父坐知 王母福辛商立 治三 十年

景平美

文帝

元嘉甲子元

丁卯移都 平壤城

世祖乙未初

第十有王 第十知王

孝建甲子三

一云金銜 帝 母仁德辛卯立 治三十 六年

大明丁酉八

第二慈悲麻立干 金氏父納祿母阿 老夫人一作次老

第十盖鹵王

太宗

夫人晋公聖王之女戊戌立治干年 妃巴胡 葛文王女一作末北希角干一作 角干女

泰始乙巳八

一云近盖鹵王名 慶司乙未立治二 年

後廢帝

始與兵國通己未并倭國兵來侵始華 明洛城入遼來圍丹州城不克而還

元徽丑四羅

顯

濟

順帝

第十文周王

昇明乙二

一作文州盖鹵子乙卯 立移都熊川理二年

齊太祖

第三毗陵麻立干 知王金氏慈惠王第子 母末依角干之女巳未

建元乙四

第十東城王

永明癸二

立理二十二年 妃期 室葛文王之女

名年十一歲 帝又餘大三

廢帝

第十文咨明

高宗

王名明煙好又人 愛高雲辛申

建虎戊四

立理二 十七年

第九鉗知王

父銜知王母那 機全申立理

永泰庚寅

第十智訂麻立干

二十 九年

永元 卯二

和帝

中興 巳一

梁高祖

天監 壬午

普通 庚子七

大通 丁未二

中大通 巳六

大同 乙丑一

中大同 庚丙

大清 丁三

簡文帝

太寶 庚午

侯景

大始 辛未

承聖 壬申四

敬帝

紹泰 乙亥

太平 丙一

陳高祖

一作智極老又智度路王金氏父納蘇

善弟期寶書文王母為生夫人納蘇

子女妃迎帝夫人侯攬代漢只登許作

南干之女庚辰立理十四年

已上為上古

已下為中古

名斯摩即東城第二子辛巳立

理二十二年南史云名扶餘隆諱

突隆乃室藏王之

太子詳見唐史

名斯摩即東城第二子辛巳立

理二十二年南史云名扶餘隆諱

突隆乃室藏王之

太子詳見唐史

名斯摩即東城第二子辛巳立

理二十二年南史云名扶餘隆諱

突隆乃室藏王之

太子詳見唐史

名斯摩即東城第二子辛巳立

理二十二年南史云名扶餘隆諱

突隆乃室藏王之

太子詳見唐史

第五虎寧王

名斯摩即東城第二子辛巳立

理二十二年南史云名扶餘隆諱

突隆乃室藏王之

太子詳見唐史

第五六聖王

虎寧子美已

立理三十一年

第五七聖王

虎寧子美已

立理十四年

第五八聖王

虎寧子美已

立理十四年

第五九聖王

虎寧子美已

立理十四年

第六十聖王

虎寧子美已

立理十四年

第六十一聖王

國除

自首露王至天

至王大會管至

四年子子納

土投羅

理士年中大編

子母 女辛丑立

知

第五十聖王

虎寧子美已

立理十四年

第六十二聖王

羅 夫人朴氏年與吳共

史伯口之女終時亦

刺殺而卒庚申

立理三十七年

第五十一聖王

虎寧子美已

立理十四年

第五十二聖王

虎寧子美已

立理十四年

第五十三聖王

濟

名斯摩即東城第二子辛巳立

理二十二年南史云名扶餘隆諱

突隆乃室藏王之

太子詳見唐史

名斯摩即東城第二子辛巳立

理二十二年南史云名扶餘隆諱

突隆乃室藏王之

太子詳見唐史

名斯摩即東城第二子辛巳立

理二十二年南史云名扶餘隆諱

突隆乃室藏王之

太子詳見唐史

名斯摩即東城第二子辛巳立

理二十二年南史云名扶餘隆諱

突隆乃室藏王之

太子詳見唐史

名斯摩即東城第二子辛巳立

理二十二年南史云名扶餘隆諱

突隆乃室藏王之

太子詳見唐史

名斯摩即東城第二子辛巳立

永定丁三

文帝

天嘉辰六

天康丙

光大丁二

宣帝

大建丑四

大昌辰四

第二十五真智王

名舍輪一作金輪金氏父真母吳失角于之女息遠一作色刀夫人朴氏妃知刀夫

第二十六真平王

名自淨父嗣輪王二兼輪天子母立尔葛文王之女多呼云方等夫人名行義先妃摩耶夫人金氏名福勝口後妃僧滿夫人孫氏已亥立

至德卯四

羅

廉

濟

禎明丁三

隋文帝

開皇戊土

仁壽辛四

煬帝

大業乙土

恭帝

義寧丁

唐大祖

武德寅九

第二十五平望

一作平岡名温勿城南史之高陽邑

立裡三

十一年

大昌辰四

大建丑四

第二十五真智王

人起烏公之女朴氏甯立裡四年度在長寺北

第二十六真平王

名自淨父嗣輪王二兼輪天子母立尔葛文王之女多呼云方等夫人名行義先妃摩耶夫人金氏名福勝口後妃僧滿夫人孫氏已亥立

至德卯四

羅

廉

濟

禎明丁三

隋文帝

開皇戊土

仁壽辛四

煬帝

大業乙土

恭帝

義寧丁

唐大祖

武德寅九

第二十六顯蕩

王一云平陽名亮一云大元庚戌

立治二

十八年

第二十八惠王

名季一云敏王威德子戊午立

第二十九法王

名孝順又宣惠王子已未立

第三十武王

或云武康名璋小名善圖庚

申立治四

第三十榮留

十一年

太宗

貞觀丁亥

第十七善德女王名德曼及真平王母蘇耶夫人金氏聖骨男孫

故女王立王之匹飲葛臺仁平甲午立治十四年

王名 又建 成戊寅立治

二十 四年

第三十義慈王武王子辛丑立治二十年

高宗

第二十真德王名勝曼金氏父真平王之弟國真安葛文王母

阿尼夫入朴氏奴角于追封滿天葛文王之女也或云月明非也丁未立治七年

王名 立治 二十七年

第二十九太宗武烈王名春秋金氏真骨王子龍春角文

永徽庚戌

大和戊巳申古聖骨巳午古真骨

現慶丙辰

龍朔辛酉

麟德甲子

乾封丙寅

總章戊辰

羅

咸亨庚午

上元甲戌

儀鳳丙子

調露己卯

永隆庚辰

開耀辛巳

永淳壬午

虎后

洪道癸未

文明甲申

二十 七年

王名 立治 二十七年

王 治二十年

吳葛文王之子也龍春作龍樹母天明太諡文真大桓真平王之女也妃訓帝夫太諡文明王后唐信之妹小名文熙也甲寅立治七年

名勝曼金氏父真平王之弟國真安葛文王母阿尼夫入朴氏奴角于追封滿天葛文王之女也或云月明非也丁未立治七年

名春秋金氏真骨王子龍春角文

名法敏太宗之子也母訓帝夫人太慈義一作訥王唐善品

海干之女辛酉立治二年陵在感恩寺東海中

麗成辰國濟

除自東明甲申至戊辰

五年

第三十神文王金氏名政明字曰煇父文虎王母慈詢王后妃

神穆王后金運公之女辛巳立理十一年

垂拱 酉四

永昌 丑一

周

天授 庚二

長壽 辰二

延載 午甲

天用 未一

通天 申丙

神功 酉丁

聖曆 戌二

文觀 子庚

長安 丑四 羅 第 三 聖 德 王 名興光本名隆本李昭之母弟也先妃陪昭王

中宗

神龍 巳二

景龍 未三

睿宗

景雲 庚二

玄宗

先天 子土

開元 丑癸 第 三 四 孝 成 王 金氏名承慶父聖德王母昭德太后妃也明王后真宗

天寶 午辛 第 三 五 景 德 王 金氏名憲英父聖德王母昭德太后先妃三毛夫人出宮元

肅宗

壬午立理二十三年初葬項只寺
西來棟石為陵後移葬楊長谷中

德順无角干之女壬寅立理三十
五年陵在東村南一云楊長谷

第三十二 孝 昭 王 名理恭一作洪金氏父神文王母神
穆王后壬辰立理十年陵在沙聖德寺東

至德 甲二

乾元 戊二

上元 庚二

寶應 癸二

代宗

廣德 癸二

永泰 乙

大曆 丙四

德宗

建中 甲四

興元 甲子

貞元 乙十

順宗

永貞 乙酉

憲宗

元和 丙十五

穆宗

長慶 丙四

敬宗

寶曆 丙三

文宗

第... 金氏名乾運父景德母蒲月王后先妣神巴夫人魏平角

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

第... 干之女 妃昌昌夫人金將角于之女乙巳立理十五年

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

大和打丸

開成辰五

第四十三僖康王

金氏名愷隆一作悌顯父憲真翁于謚與聖王大
成孔英直于子也母美道夫人一作源乃夫人云巴
利夫人謚順成太后忠烈大阿干之女也妃文穆王后
忠孝節下之女一云重祿翁月丙辰年立理二年

第四十四閔

金氏名明泰養角于善堂康王每進封惠王于善堂
王后妃善善皇后水公用平之女年立 至己未正月二十日崩

第四十五神虎王

金氏名慶膺父神虎王母真後太后妃
王后妃善善皇后水公用平之女年立 至己未四月立至正月二十三日崩

虎宗

第四十六文聖王

金氏名慶膺父神虎王母真後太后妃
昭明王后己未十一月立理十九年

會昌辛六

宣宗

大中丁十三

第四十七憲安王

金氏名誼靖神虎王之弟母
昭明夫人戊寅立理三年

懿宗

咸通庚四

第四十八景文王
金氏名膺慶養角于善堂養王即僖康王之子也母神虎王之
昭明夫人文聖王后己未十一月立理十四年

僖宗

羅

乾符甲六

第四十九憲康王

金氏名日故父景文
王母文安貞皇后一云

廣明子

義明王后乙未
立理十一年

中和辛四

第五十定康王

金氏名晃閔表王之
母弟丙午立而崩

光啓巳三

第五十一真聖女王

金氏名昌文憲即定
康王之同母妹也王

昭宗

文德戊申

大角于追封惠成大王于未立
理十年丁巳隱位于少子孝恭王于三月崩
文葬散骨于在景
西并一作未黃山

龍紀配

大順庚二

景福壬三

乾寧甲四

第五十二孝恭王
金氏名燒金憲康王女
資王后丁巳立理十五年

後高麗

呂裔 大順庚
始投北京

賊良吉而辰
都鐵圍城今辰

丁巳移
松岳郡

後百濟

甄萱 孝子始都
光州

光化戊午三
火焚師子寺北骨藏
于仇知堤東山脇

天復酉三

辛酉祿
高麗

景宗

天祐甲三

甲子改國号摩
震置元虎泰

朱梁

開平卯四 第五三神德王
朴氏名景徽本名秀宗
母真花夫人夫之父順

乾化未四

末帝

弘甫干追諡成虎大王相元節干乃何達王
之遠孫父文元伊干追封貞康大王相文官母
干義父鏡赫干追封宣成王相資成王行之繼
感季必真季甫立理五年次劉榮藏骨于威明南

貞明亥五 第五十四景明王
朴氏名景英父神德母真妃
長少宅太尊用干追封聖慶

龍德巳三

大至之子太尊即水原伊干之子丁丑立理年
火焚皇極寺藏骨于肖等仍山西

後唐

同光未三 羅 第五十五景哀王
朴氏名景胤月
早明之母弟也

明宗

天成丙四 第五十六敬順王
金氏傳父孝宗伊干
追封神興大王祖官

長興庚四

閔帝未帝

乙未納土歸于
陵 東南滿

清泰甲二

自五鳳甲子至乙未
合九百九十二年

石晉

天福甲八

丙申統三

乙未 童子神劍
景文自立
是年國除
自天子至甲申
四年而止

岳郡是年創

大祖 戊寅六月嘗
死大祖即位

于鐵原京
已如移都故

前太子比自是年
立胸市故俗

利市之乳下十月創大興寺或系
辛未年又創日月寺或系辛巳甲申

創於帝叔柳象院吳國寺丁亥
創妙 寺已丑創龜山吳安寺

乙未 童子神劍
景文自立

是年國除
自天子至甲申
四年而止

前漢高惠少文景虎昭宣元成哀平孺

後漢光明 殤安順 桓靈農獻

魏晉宋齊梁陳隋

李唐 大 高則中睿肅代德順憲

穆 文虎宣 禧昭景

宋梁 後唐石晉劉漢郭周

大宋

紀異卷第一

叙曰大抵古之聖人方其禮樂興邦仁義設教則怪力亂神在所不語然而帝王之將興也膺符命受圖籙必有以異於人者然後能乘大變握大器成大業也故河出圖洛出書而聖人作以至虹繞神母而誕羲龍感女登而注炎皇娥遊窮桑之野有神童自稱白帝子交通而生小貝簡狄吞卵而生契姜媪履跡而生弄胎孕十月四月而生堯龍交大澤而生沛公自此而降豈可殫記然則三國之始祖皆發乎神異何足怪

哉此紀異之所以漸諸篇也意在斯焉

古朝鮮王侯朝鮮

魏書云乃徃二千載有壇君王侯立都阿斯達經云無萊山亦

云白岳在白州地或云在開城東今白岳宮是開國號朝鮮與高同時古記云

昔有桓因謂帝叙也庶子桓雄數意天下貪求人世父知子

意下視三危大伯可以弘益人間乃授天符印三箇遣

徃理之雄率徒三千降於太伯山頂娑太伯今神壇樹

下謂之神市是謂桓雄天王也將風伯雨師雲師而主

穀主命主病主刑主善惡凡主人間三百六十餘事在

世煙化時有一熊一虎同穴而居常祈于神雄願化為

人時神遺靈艾一炷蒜二十枚曰爾輩食之不見日光

百日便得人形熊虎得而食之忌三七日熊得女身虎

不能忌而不得人身熊女者並與為婚故每於壇樹下

呪願有孕雄乃假化而婚之孕生子號曰壇君王侯以

唐高即位五十年庚寅唐堯即位元年戊辰則五十都

平壤城今西始稱朝鮮又移都於白岳山阿斯達又名

弓一作方忽山又今旌達御國一千五百年周虎王即位已

卯封箕子於朝鮮壇君乃移於藏唐京後還隱於阿斯

達為山神壽一千九百八歲唐裴矩傳云高麗本孤竹

國今海州周以封箕子為朝鮮漢分置三郡謂玄菟樂浪

母持兵大子亦疑使者詐之遂不渡俱水復引歸報天子誅山尤將軍破俱水上軍迺前至城下圍其西北樓如亦往會居城南右渠堅守數月未能下天子以久不能決使故濟南太守公孫遂往正之有便宜將以從事遂至縛樓舡將軍并其軍與尤將軍急擊朝鮮朝鮮相路人相韓陶居谿相參將軍王咬師古曰居谿地名四人也相與謀欲降王不肯之陶咬路人皆上降漢路人道死元封三年夏居谿相參使人殺王右渠來降王俟城未下故右渠之大臣成已又反尤將軍使右渠子長路人子最告諭其民謀殺成已故遂定朝鮮為真蕃 臨屯 樂浪

玄菟 四郡

馬韓

魏志云魏滿擊朝鮮朝鮮王準率宮人尤右越海而南至韓地開國號馬韓甄萱上大祖書云昔馬韓先起赫世勃興於是百濟開國於金馬山崔致遠云馬韓麗也辰韓羅也據本紀則羅先起甲子麗後起甲申而此云韓而因之矣故稱麗為馬韓今人或認金山以馬韓為百濟者蓋誤也麗地自有邑山故名馬韓也四

夷 九夷 九韓 獫狁周禮職方氏掌四夷九獫者

東夷之種即九夷也三國史云涇州古獫國野人耕田得獫王印獻之 又春州古牛首州古獫國又或云今

朔州是貊國或平壤城為貊國淮南子注云東方之夷
九種 論語正義云九夷者 一玄菟 二樂浪 三
高麗 四滿餘 五息吏 六素戾 七東屠 八倭
人 九天鄙 海東安弘記云九韓者 一日本 二
中華 三吳越 四七羅 五鷹遊 六靺鞨 七丹
國 八女真 九穢貊

二府

前漢書昭帝始元五年已亥置二外府謂朝鮮舊地平
郡及玄菟郡等為平州都督府臨屯樂浪等兩郡之地
置東部都尉府私曰朝鮮傳則真番玄菟臨屯樂浪等
四今有平郡無真番蓋一地二名也

七十二國

通典云朝鮮之遠混分為七十餘國皆地方百里後漢
書云西漢以朝鮮舊地初置為四郡後置二府法今漸
煩分為七十八國各萬戶馬韓在西有五千四百小邑皆
稱國中韓在南有
十二小邑各稱國

樂浪國

前漢時始置樂浪郡應邵曰故朝鮮國也 新唐書注
云平壤城古漢之樂浪郡也 國史云赫居世三十年
樂浪人來投 又第三好禮王四年高麗第三無恤王
伐樂浪滅之其國人與帶方其帶投于羅又無恤王二

十七年光武帝遣使伐樂浪取其地為郡縣薩水已南

漢據上諸文樂浪即平壤城宜矣或云樂浪中頭山下鞞鞞之界薩水今大同江也未詳孰是又

晉海溫祿之言曰東有樂浪北有鞞鞞則殆古漢時樂

浪郡之屬縣之地也新羅人亦以稱樂浪故今本朝亦

因之而稱樂浪郡夫人又大祖降女於金傅亦曰樂浪

公主

北帶方

北帶方本行軍城新羅誓禮王四年帶方人與樂浪人

殺于羅此皆前漢所置二郡名其後僭稱國今東降

南帶方

曹魏時始置南帶方郡於補故云帶方之南海水千里

曰瀚海後漢建安中以馬韓南荒地為帶方郡倭韓遠屬是也

鞞鞞一作渤海

通典云渤海本粟末鞞鞞至其酋柝榮立國自號震旦

先天中玄宗王子宗始去鞞鞞號專稱渤海開元七年柝榮

死謚為高王世子襲立明皇賜典冊襲王私改年號遂

為海東盛國地有五京十五府六十二州後唐天成初

契丹攻破之其後為丹所制三國史云儀鳳三年高宗

大石山下國號渤海開元二十年間明皇遣將討之

聖德王三十二年玄宗甲戌渤海鞞鞞越海侵唐之登州玄宗討之又新羅古誌云高麗舊將柝榮姓大氏聚殘兵立國於大石山南國號渤海按上諸文渤海乃鞞

鞞之別種但開合不同而已按實耽郡國志云渤海國

之鴨綠南海扶餘攝城四府並是高麗舊地也自新羅

泉井郡地理志朔州領縣有泉井郡今湧州至攝城府三十九驛又三

國史云百濟末年渤海靺鞨新羅分百濟地地此則靺鞨海又分為

也羅人云北有靺鞨南有倭人西有百濟是國之害

也又靺鞨地接阿瑟羅州又東明記云卒本城地

連靺鞨或云今羅第六祗麻王十四年靺鞨兵大入

北境襲大嶺棚過泥河後魏書靺鞨作勿吉指掌

圖云挹婁與勿吉皆肅慎也黑水沃沮按東坡

指掌圖辰韓之北有南北黑水按東明帝二十年滅

北沃沮溫柝王四十三年南沃沮二十餘家來投新羅

又赫居世五十三年東沃沮來獻良馬則又有東沃沮

矣指掌圖黑水在長城北沃沮在長城南

伊西國

弩禮王十四年伊西國人來攻金城按雲門寺古傳

諸寺納田記云貞觀六年壬辰伊西郡今部村零味寺

納田則今部村今清道地即清道郡古伊西郡

五伽耶按駕洛記贊云垂一縷下六圓外五歸各邑一在茲城則一為首露王

餘五各為五伽耶之主金官不入五數當矣而本朝史畧並數金官而監記昌寧誤

阿羅耶伽耶今咸安古寧伽耶今咸安大伽耶今高靈星山伽

耶今京山一城又本朝史畧云太祖天福五年

庚子改五伽耶名一金官為金海府二古寧為加三非火昌

寧恐高靈之訛餘二阿羅星山同前星山或作碧珍伽耶

北扶餘

古記云前漢書宣帝神爵三年壬戌四月八日天帝降

于訖升骨城在大遼醫州界棄五龍車立都稱王國號北扶餘

自稱名解慕漱生子名扶婁以解為氏焉王後因上帝

之命移都于東扶餘東明帝繼北扶餘而興立都于卒

本州為卒本扶餘即高句麗之始見下

東扶餘

北扶餘王解夫婁之相阿蘭弗夢天帝降而謂曰將使

吾子孫立國於此汝其避之謂東明將興之兆也東海之濱有地

名迦婁原土壤膏腴宜立王都阿蘭弗勸王移都於彼

國號東扶餘夫婁老無子一日祭山川求嗣所乘馬至

鯤淵見大石相對浚流王怪之使人轉其石有小兒金

色蛙形王喜曰此乃天齋我令胤子乃收而養之名曰

金蛙及其長為大子夫婁薨金蛙嗣位為王次傳位于

大子帶素至地皇三年壬午高麗王並恤伐之殺王帶

素國除

高句麗

高句麗即卒本扶餘也或云今和州又成州等皆誤矣
卒本州在遼東界國史高麗本記云始祖東明聖帝姓
言氏諱朱蒙先是北扶餘王解夫婁既避地于東扶餘
及夫婁薨金蛙嗣位于時得一女子於大伯山南優渤
水間之云我是河伯之女名柳花與諸弟出遊時有一
男子自言天帝子解慕傲誘我於熊神山下鴨綠邊室
中知之而往不返壇君記云君與西河河伯之女要親
有產子名曰夫婁今如此記則解慕
傲私河伯之女而後產朱蒙壇君記云產
子右曰夫婁夫婁與朱蒙異母兄弟也父母責我無
媒而從人遂謫居于此金蛙異之幽閉於室中為日光
所照引身避之日影又逐而照之因而有孕生一卵大

五升許王弄之與犬豬皆不食又弄之路在馬避之奔
之野鳥獸覆之王欲剖之而不能破乃還其母母以物
裹之置於暖處有一兒破殼而出骨表英奇年甫七歲
岐嶷異常自作弓矢百發百中國俗謂善射為朱蒙故
以名焉金蛙有七子常與朱蒙遊戲技能莫及長子帶
素言於王曰朱蒙非人所生若不早圖恐有後患王不
聽使之養焉朱蒙知其駿者減食令瘦駑者善養令肥
王自乘肥瘦者給蒙王之諸子與諸臣將謀害之蒙母
知之告曰國人將害汝以汝才畧何往不可宜速圖之
於是蒙與烏伊等三人為友行至淹水今未詳啓水曰我

是天子何伯孫今日逃遁追者垂及奈何於是魚鼈成橋得渡而橋解追騎不得渡至卒本州之界郡遼都焉未遑作宮室但結廬於佛流水上居之國號高句麗

因以高為氏本姓解也本自言是天帝子時年十二歲

漢孝元帝建昭二年甲申歲即位稱王 高麗全盛之

日二十一萬五百八戶珠璣傳第二十一卷載昔靈東

離王侍婢有娠相者占之曰貴而當王王曰非我之胤

也當殺之婢曰氣從天來故我有娠及子之產謂為不

祥指國則猪噓奔欄則馬乳而得不死卒為扶餘之王

即東明帝為卒本扶餘王也寧無灌乃大妻王之異稱也

下韓 百濟 亦云百扶餘 即如此城也

新羅始祖赫居世即位十九年壬午下韓人以國來降

新舊唐書云下韓苗裔在樂浪之地 後漢書云下韓

在南馬韓在西辰韓在東 致遠云下韓百濟也 按

本記温祚之起在鴻嘉四年甲辰則後於赫世東明之

世四十餘年而唐書云下韓苗裔在樂浪之地云者謂

温祚之系出自東明故云耳或有人出樂浪之地立國

於下韓與馬韓等並峙者在温祚之前爾非所都在樂

浪之北也或者僭九龍山亦名下那山故以高句麗為

下韓者蓋謬當以古賢之說為是百濟地自有下山故

云下韓百濟全盛之時十五萬二千三百戶

辰韓亦作秦韓

後漢書云辰韓耆老自言秦之三人來適韓國而馬韓割東界地以與之相呼為徒有似秦語故或名之為秦韓有十二小國各萬戶稱國又崔致遠云辰韓本燕人避之者故取冰水之名稱所居之邑里云沙冰漸冰等

八千九百三十六戶

羅人方言讀冰音為道故今或作沙冰梁亦讀道

一千三百六十坊

五十五里

三十五金八宅

言富潤大宅也

南宅

北宅

弓比所宅

本彼宅

梁宅

池工宅

本彼財買井宅

北維宅

南維宅

板積宅

泉宅

揚上宅

長沙

宅

上櫻宅

下櫻宅

水望宅

泉宅

揚上宅

梁

漢政宅

法流寺南

鼻穴宅

同上

板積宅

別教宅

北川

御南宅

金揚宗宅

梁宮寺南

曲水宅

北川

柳也宅

寺

下宅

沙梁宅

井上宅

里南宅

寺

思內曲宅

池宅

寺上宅

大窟

林上宅

青龍之寺東方有池

橋南宅

巷叱宅

本彼

樓上宅

里上宅

橋南宅

井下宅

又四節遊宅

春東野宅

夏谷良宅

秋仇知宅

冬加伊宅

第四十九憲康大王代城中無一草屋接角連牆歌吹

滿路晝夜不絕

新羅始祖 赫居世王

辰韓之地古有六村一曰關川楊山村南今曇嚴寺長

曰謁平初降于瓢嶺峯是為及梁部李氏祖訖禮王九年置名及梁部

本朝大祖天福五年庚子改名中興部波磨東山彼上東村屬焉二曰突山高墟村長曰

蘇伐都利初降于兄山是為沙梁部梁讀云道或作梁亦音道鄭氏祖

今日南山部仇良伐麻等烏道北迴德等南村屬焉秋今

大祖所置也下例知三曰殘山大樹村長曰俱禮馬初降于伊

一作皆山一作皆是為漸梁部一作又牟梁部孫氏之祖今玄長福部

朴谷村等西村屬焉四曰嶺山珠支村一作寶支又長智伯

虎初降于花山是為本彼部崔氏祖今日通仙部柴巴

等東南村屬焉致遠乃本彼部人也今皇龍寺南味吞

寺南有古墟云是崔侯古宅也殆明矣 五曰金山加

利村今金剛山栢栗寺之北山也長曰祗陀一作只他初降于明活山是

為漢歧部又作韓歧部裴氏祖今玄加德部上下西知

乃兒等東村屬焉 六曰明活山高耶村長曰虎珠初

降于金剛山是為習比部薛氏祖今臨川部多伊村仍

仇旆村闕谷一作葛谷等東北村屬焉 按上文此六部之

祖似皆從天而降訖禮王九年始改六部名又賜六姓

令俗中興部為母長福部為父臨川部為子加德部為

女其實未詳前漢地節元年壬子

古本云建虎元年又云建元三年等皆誤

三月朔六部祖各率子弟俱會於闕川岸上議曰我輩

上無君主臨理蒸民民皆放逸自從所欲盡覓有德人

為之君主立邦設都乎於是乘高南望揚山下蘿井傍

異氣如電光垂地有一白馬跪拜之狀尋檢之有一紫

郊一云青

馬見人長嘶上天剖其郊得童男形儀端美

驚異之浴於東京

東泉寺在詞臘野北

身生光彩鳥獸率舞天地

振動日月清明因名赫居世王

蓋鄰言也或作弗知內王言光明理世也說者

云是西述聖母之所誕也故中華人讚企推聖母有賢肇邦之語是也乃至雞龍現瑞產闕英又焉知非西

述聖母之位號曰居瑟耶或作居西干初開口之時自

王赫之尊稱

時人爭賀曰今天子已降宜覓有德女

君配之是日沙梁里闕英井

一作娥利英井

邊有雞龍現而左

脇誕生童女

一云龍現死而剖其腹得之

姿容殊麗然而唇似雞觜

將浴於月城北川其背撥落因名其川曰撥川營官室

於南山西麓

今昌林寺

奉養二聖兒男以郊生郊如甄鄉人

以甄為朴故因姓朴女以所出井名名之二聖年至十

三歲以五鳳元年甲子男立為王仍以女為后國號徐

羅伐又徐伐

今俗訓京字云云斯羅又斯盧初王生

於雞井故云雞林國以其雞龍現瑞也一說脫解王

時得金闕智而雞鳴於林中乃改國號為雞林後世遂

定新羅之號埋國六十一年王升于天七日後遺體散
落于地后亦云亡國人欲合而葬之有大地逐禁各葬
五體為五陵亦名蛇陵曼巖寺北陵是也天子南解王
繼位

第二南解王

南解居西干亦云次次雄是尊長之稱唯此王稱之父

赫居世母闕英夫人妃雲帝夫人一作雲梯今迦日懸
西有雲梯山聖母祈

早有前漢平帝元始四年甲子即位御理二十一年以

地皇四年甲申崩此王乃三皇之第一云按三國史云
新羅稱王曰居西干辰言王也或云呼貴人之稱或曰

次次雄或作慈充 金大問云次次雄方言謂巫也世

人以巫事鬼神尚祭祀故畏敬之遂稱尊長者為慈充

或云尼師今言謂蓋埋也初南解王薨子弩禮讓位於

脫解解云吾聞聖智人多蓋乃試以餅噬之古傳如此

或曰麻立干一作立一金大問云麻立者方言謂概也概標

唯位而置則王概為主臣概列於下因以名之史論曰

新羅稱居西干次次雄者一尼師今者十六麻立干者

四羅末名儒崔致遠作帝王年代曆皆稱其王不言居

西干等豈以其言鄙野不足稱之也今記新羅事具存

方言亦宜矣羅人九追封者稱葛支王未詳此王代樂

浪國人來侵金城不克而還又天鳳五年戊寅高麗之禪屬七國來投

第三弩禮王

朴弩禮尼叱今一作儒初王與妹夫脫解讓位脫解云凡有德者多蓋宜以蓋理試之乃咬餅驗之王蓋多故先立因名尼叱今尼叱今之稱自此王始劉聖公更始元年癸未即位年表云甲申即位改定六部號仍賜六姓始作兜率歌有唵辭詞腦格始製耜耜及藏米庫作車乘建虎十八年伐伊西國滅之是年高麗兵來侵

第四脫解王

脫解盛叱今尼師今南解王時古本云壬寅并至者即位之初無爭讓之事前則在於赫居之世故知壬寅非也駕洛國海中有舩來泊其國首露王與臣民鼓譟而迎將欲留之而舩乃飛走至於雞林東下西知村阿珎浦今有上西知村名時浦邊有一媪名阿珍義先乃赫居王之海尺之母望之謂曰此海中元無石崑何因鵲集而鳴擊舩尋之鵲集一舩上舩中有一橫子長二十尺廣十三尺曳其舩置於一樹林下而未知凶乎吉乎向天而誓爾俄而乃開見有端正男子并七寶奴婢滿載其中供給七日迺言曰我本龍城國人亦云正明國或云琒夏國琒夏或作花夏國龍城在倭東北一千里我國嘗有

二十八龍王從人胎而生自五歲六歲繼登王位教萬民修正性命而有八品姓骨然無揀擇皆登大位時我父王舍達婆娑積女國王女為妃久無子胤禱祀求息七年後產一大卵於是大王會問羣臣人而生卵古今未有殆非吉祥乃造橫置我并七寶奴婢載於舡中浮海而祝曰任到有緣之地立國成家便有赤龍護舡而至此矣言訖其童子曳杖率二奴登吐舍山上作石塚留七日望城中可居之地見一峯如三日月勢可久之地乃下尋之即瓠公宅也乃設詭計潛埋砺炭於其側結朝至門云此是吾祖代家屋瓠公云否爭訟不決乃

告于官官曰以何驗是汝家童曰我本治正午出隣鄉而人取居之請掘地揜者從之果得砺炭乃取而居為時南解王知脫解是智人以長公主妻之是為阿屋夫人一日吐解登東岳迴程次令白衣索水飲之白衣汲水中路先嘗而進其角盃貼於口不解因而噴之白衣誓曰爾後若近遙不敢先嘗然後乃解自此白衣龍服不敢欺罔今東岳中有一井俗云遙乃井是也及弩礼王崩以光虎帝中元六年丁巳六月乃登王位以昔是吾家取他人家故因姓昔氏或云因鵲開橫故去鳥字姓昔氏解橫脫卵而生故因名脫解在位二十三年建

初四年己卯崩葬疏川丘中後有神詔慎埋葬我骨其
髑髏周三尺二寸身骨長九尺七寸蓋疑如一骨節皆
連瓊所謂天下無敵力士之骨碎為塑像安闕內神天
報云我骨置於東岳故令安之一云崩後二十七世文虎
王代調露二年庚辰三月
十五日辛酉夜見夢於太宗有老人見其威猛曰我是
脫解也扶我骨於疏川丘塑像安於土舍山王從其言
故至今國祀不絕
即東岳神也云

金闕智 脫解王代

永平三年庚申一云中元六年謀矣
中元盡二年而已八月四日臥公夜

行月城西里見大光明於始林中一作
鴻林有紫雲從天垂

地雲中有黃金積料於樹枝光自積出亦有白雞鳴於

樹下以狀聞於王駕幸其林開積有童男卧而即起如
赫居世之故事故因其言以闕智名之闕智即鄉言小
兒之稱也抱載還闕鳥獸相隨喜躍踰蹠王擇吉日冊
位太子後讓於婆婆不即王位因金積而出乃姓金氏
闕智生於漢漢生何都都生首留留生郁部部生俱道
一作
仇乃道生末鄒鄒即王位新羅金氏自闕智始

延鳥郎 細鳥女

第八阿達羅王即位四年丁酉東海濱有延鳥郎細鳥

女夫婦而居一日延鳥歸海採藻忽有一巖一云
一魚負歸

日本國人見之曰此非常人也乃立為王按日本帝記
前後無新羅

人為王者此乃邊邑
小王而非真王也
細烏栳夫不來歸尋之見夫脫鞋
亦上其巖巖亦負歸如前其國人驚訝奏獻於王夫婦
相會立為貴妃是時新羅日月無光日者萎去日月之
精降在我國今去日本故致斯怪王遣使求二人延烏
曰我到此國天使然也今何歸乎雖然朕之妃有所織
細絹以此祭天可矣仍賜其絹使人來養依其言而祭
之然後日月如舊藏其絹於御庫為國寶名其庫為貴
妃庫祭天所名迎日縣又都祈野

末鄒王 竹葉軍

第十三末鄒尼叱今一作末祖金闕智七世孫赫世

始登王位後代金氏諸王皆以末鄒為始祖宜矣在位二十三年而崩陵在興
輪寺東第十四儒理王代伊西國人來攻金城我大舉
防禦久不能抗忽有異兵來助皆珥竹葉與我軍并力
擊賊破之軍退後不知所歸但見竹葉積於末鄒陵前
乃知先王陰隲有功因呼竹現陵越三十七世惠恭王
代大曆十四年己未四月忽有旋風從庾信公塚起中
有一人乘駿馬如將軍儀狀亦有衣甲器仗者四十許
人隨從而來入於竹現陵俄而陵中似有振動哭泣聲
或如告讞之音其言曰臣平生有輔時救難匡合之功

今為魂魄鎮護邦國攘災救患之心暫無渝改往者庚戌年臣之子孫無罪被誅君臣不念我之功德臣欲遠移死所不復勞勤願王允之王答曰惟我與公不護此邦其如民庶何公復努力如前三請三不許旋風乃還王聞之懼乃遣工匠金敬信就金公陵謝過焉為公立功德寶田三十結于鷲仙寺以資冥福寺乃金公討平壤後植福所置故也非末鄒之靈無以遏金公之怒王之護國不為不大矣是以邦人懷德與三山同祀而不墜躋袂于五陵之上稱大廟云

祭勿王一作那

第十七那密王即位三十六年庚寅倭王遣使來朝曰寡君聞大王之神聖使臣等以告百濟之罪於大王也願大王遣一王子表誠心於寡君也於是王使第三子羨海一作未吐喜以聘於倭羨海年十歲言辭動止猶未備具故以內臣朴娑覽為副使而遣之倭王留而不送三十年至訥祗王即位三年己未句麗長壽王遣使來朝云寡君聞大王之弟寶海秀才智藝願與相親特遣小臣懇請王聞之幸甚因此和通命其弟寶海道於句麗以內臣金正謁為輔而送之長壽王又留而不送至十年乙丑王召集群臣及國中豪俊親賜御宴進酒三行衆

樂初作王垂涕而謂群臣曰昔我聖考誠心民事故使
愛子東聘於倭不見而崩又朕即位已來隣兵甚熾戰
爭不息向麗獨有結親之言朕信其言以其親弟聘於
向麗向麗亦留而不送朕雖處富貴而未嘗一日暫忘
而不哭若得見二弟共謝於先主之廟則能報恩於國
人誰能成其謀策時百官咸奏曰此事固非易也必有
智勇方可臣等以為歎羅郡太守堤上可也於是王召
問焉堤上拜對曰臣聞主憂臣辱主辱臣死若論難
易而後行謂之不忠圖死生而後動謂之無勇臣雖不
肖願受命行矣王甚嘉之分觴而飲握手而別堤上簾

前受命徑趨北海之路變服入向麗進於寶海以共謀
送期先以五月十五日歸泊於高城水口而待期日將
至寶海稱病數日不朝乃夜中逃出行到高城海濱王
知之使數十人追之至高城而及之然寶海在向麗常
施恩於左右故其軍士憫傷之皆拔箭鏃而射之遂先
而歸王既見寶海益思羨海一炊一悲垂淚而謂左右
曰如一身有一臂一面一眼雖得一而亡一何敢不痛
乎時堤上聞此言拜辭朝而騎馬不入家而行直至
於栗浦之濱其妻聞之走馬追至栗浦見其夫已在舟
上矣妻呼之切懇堤上但搖手而不駐行至倭國詐言

曰雞林王以不罪殺我父兄故逃來至此矣倭王信之
賜室家而安之時堤上常陪美海遊海濱逐捕魚鳥以
其所獲每獻於倭王王甚喜之而無疑焉適曉霧濛晦
堤上曰可行矣美海曰然則偕行堤上曰臣若行恐倭
人覺而追之願臣留而止其追也美海曰今我與汝如
父兄焉何得弃汝而獨歸堤上曰臣能救公之命而慰
大王之情則足矣何願生乎取酒獻美海時雞林人康
仇釁在倭國以其人從而送之堤上入美海房至於明
旦左右欲入見之堤上出止之曰昨日馳走於捕獵病
甚未起及乎日具左右恠之而更問焉對曰美海行已

久矣左右奔告於王王使騎兵逐之不及於是因堤上

問曰汝何竊遣汝國王子耶對曰臣是雞林之臣非倭
國之臣今欲成吾君之志耳何敢言於君乎倭王怒曰
今汝已為我臣而言雞林之臣則必具五刑若言倭國
之臣者必當重祿對曰寧為雞林之犬豕不為倭國之
臣子寧受雞林之箠楚不受倭國之爵祿王怒命屠剝
堤上脚下之皮刈蕪葭使趨其上俗蕪葭上有血痛更
問曰汝何國臣乎曰雞林之臣也又使立於熱鐵上問
何國之臣乎曰雞林之臣也倭王知不可屈燒殺於木
島中美海渡海而來使康仇釁先告於國中王驚喜命

百官迎於屈歇驛王與親弟寶海迎於南郊入闕設宴
大赦國內用其妻為國大夫人以其女子為羨海公夫
人議者曰昔漢臣周苛在滎陽為楚兵所虜項羽謂周
苛曰汝為我臣封為萬祿侯周苛罵而不屈為楚王所
殺堤上之忠烈無悔於周苛矣初堤上之發去也夫人
聞之追不及及至望德寺門南沙上放卧長號因名其
沙曰長沙親戚二人扶掖將還夫人舒脚坐不起名其
地曰伐知音久後夫人不勝其慕率三娘子上鷄述嶺
望倭國痛哭而終仍為鷄述神母今祠堂存焉

第十八實聖王

義熙九年癸丑平壤州大橋成思南平壤州也今揚州王忌憚前王
太子訥祇有德望將害之請高麗兵而詐迎訥祇高麗
人見訥祇有賢行乃倒戈而殺王乃立訥祇為王而去

射琴匣

第二十一毗處王一作智王即位十年戊辰幸於天泉亭

時有烏與鼠來鳴鼠作人語云此烏去處尋之或云神德王欲

行香與輪寺路見眾鼠舍尾惟之而還占之明日先鳴烏尋之云云此說非也王命騎士追之
南至避村今壤避寺村在南山東麓兩猪相鬪留連見之忽失鳥所

在徘徊路旁時有老翁自池中出奉書外面題云聞見
二人死不聞一人死使來獻之王曰與其二人死莫若

不開但一人死可日官奏之二人者庶民也一人者王也王然之開見書中之射琴匣王入宮見琴匣射之乃內殿焚修僧與宮主潛通而所射也二人伏誅自爾國俗每正月上亥上子午等日忌慎百事不敢動作以十六日為烏忌之日以糲飯祭之至今行之俚言怛切言悲愁而禁忌百事也命其池曰書出池

智哲老王

第二十二智哲老王姓金氏名智大路又智度路謚曰智澄溢號始于此又鄉稱王為麻立干者自此王始王以永元二年庚辰即位或云辛巳至陰長一尺五寸難於

嘉耦發使三道水之使至年梁部冬老樹下見二狗噬

一屎塊如鼓大爭墜其兩端訪於里人有一小女告之此部相公之女子洗澣于此隱林而所遺也尋其家於之身長七尺五寸具事奏聞王遣車邀入宮中封為皇后群臣皆賀又阿瑟羅州於濱東海中便風二日程有考陵島羽陵周迴二万六千七百三十步島夷恃其水深憍傲不臣王命伊唵朴伊宗將兵討之宗作木偶師子載於大艦之上威之么不降則放此獸島夷畏而降賞伊宗為州伯

真興王

第二十四真興王即位時年十五歲太后攝政太后乃
法興王之女子立宗葛文王之妃終時削髮被法衣而
逝承聖三年九月百濟兵來侵於珹城掠取人男女三
萬九千馬八千疋而去先是百濟欲與新羅合兵謀伐
高麗真興曰國之興止在天若天未戢高麗則我何敢
望焉乃以此言通高麗高麗感其言與羅通好而百濟
怨之故來爾

桃花女 鼻前郎

第二十五舍輪王謚真智大王姓金氏妃起烏公之女
知刀夫人大建八年丙申即位右本云十一年已亥誤矣御國四年

政亂荒嬉國人廢之自此沙梁部之廢女姿容豐美
號桃花娘王聞而召致宮中欲幸之女曰女之所守不
事二夫有夫而適他雖万乘之威終不棄也王由殺之
何女曰寧斬于市有頭靡他王戲曰無夫則可乎曰可
王放而遣之是年王見廢而崩後二年其女亦死浹旬
忽夜中王如平昔來於女房曰汝昔有諾今無汝夫可
乎女不輕諾告於父母父母曰君王之教何以避之以
其女入於房留御七日常有五色雲覆屋香氣滿室七
日後忽然無蹤女因而有娠月滿將產天地振動產得
一男名曰鼻前真平大王聞其殊異收養宮中年至十

五授老執事每夜逃去遠遊獲勇士五十人守之每飛

過月城西去荒川岸上在東京城西率鬼眾遊勇士伏林中窺

伺鬼眾聞諸寺曉鐘各散郎亦歸矣軍士以事來奏王

召臯荊曰汝領鬼遊信乎郎曰然王曰然則汝使鬼眾

成橋於神元寺北渠一作神泉寺誤一荊奉勅使其徒

鍊石成大橋於一夜故名鬼橋王又問鬼眾之中有出

視人間輔朝政者乎曰有吉達者可輔國政王曰與來

翌日荊與俱見賜爵執事果忠直無雙時角干林宗無

子王勅為嗣子林宗命吉達創樓門於興輪寺南每夜

去宿其明上故名吉達明一月吉達變狐而遁去荊使

鬼捉而殺之故其象聞臯荊之名怖畏而走時人作詞

曰 聖帝魂生子臯荊郎室亭飛馳諸鬼眾此處莫留

停鄉俗帖此詞以辟鬼

天賜玉帶

清泰四年丁酉五月正承金傳獻鑄金粧玉排方腰帶一條長十圍鑄

鑄六十二日是真平王天賜帶也太祖受之藏之內庫

第二十六白淨王謚真平大王金氏大建十一年己亥

八月即位身長十一尺駕幸內帝釋宮亦名天柱寺踏

石梯二石並折王謂左右曰不動此石以示後來即城

中五不動石之一也即位元年有天使降於殿庭謂王

曰上皇命我傳賜玉帶王親奉跪受然後其使上天凡

郊廟大祀皆服之後高麗王將謀伐羅乃曰新羅有三寶不可犯何謂也皇龍寺文六尊像一其寺九層塔二真平王天賜玉帶三也乃止其謀讚曰雲外天頒玉帶圓辟雍龍衮雅相宜吾君自此身彌重唯擬明朝鐵作墀

善德王知幾三事

第二十七德曼一作謚善德女大王姓金氏父真平王以貞觀六年壬辰即位御國十六年凡知幾有三事初唐太宗送畫牧丹三色紅紫白以其寶三升王見畫花曰此花定無香仍命種於庭待其開落果如其言二於

盛廟寺王門池冬月衆蛙集謂三四日國人懼之問於

王王急命角干闕川弼吞等鍊精兵二千人馳去西郊問女根谷必有賊兵掩取殺之二角干既受命各率千人間西郊富山下果有女根谷百濟兵五百人來藏於彼並取殺之百濟將軍弓召者藏於南山嶺石上又圍而射之殪又有後兵一千三百人來亦擊而殺之無孑遺三王無恙時謂群臣曰朕死於其年某月日葬我於初利天中群臣罔知其處奏云何罔王曰狼山南也至其月日王果崩群臣葬於狼山之陽後十餘年文德大王創四天王寺於王墳之下佛經云四天王天之上

有忉利天乃知大王之靈聖也當時群臣啓於王曰何
知花蛙二事之然乎王曰畫花而無蝶知其無香斯乃
唐帝欺寡人之無耦也蛙有怒形兵士之像玉門者女
根也女為陰也其色白白西方也故知兵在西方男根
入於女根則必死矣以是知其易提於是群臣皆服其
聖智送花三色者蓋知新羅有三女王而然耶謂善德
真德真聖是也唐帝以有戀德之明善德之創靈廟寺
具載良志師傳詳之 別記云是王代鍊石築瞻星臺

真德王

第二十八真德女王即位自製太平歌織錦為紋命使

往唐獻之一本命春秋公為使往仍請兵大定其位
蘇廷方云云者皆謬矣現慶前春秋已登位
現慶庚申非太宗乃高宗之世定方之來在現慶庚申
故知織錦為紋非請兵時也在真德之世當矣蓋請放
之歎也唐帝嘉賞之改封為雞林國王其詞曰 大唐

開洪業巍巍皇猷昌止戈戎威定修文契百王統天崇
雨施埋物侔含章深仁諧日月抚軍迈虞唐幡旗何赫
赫鉦鼓何鏗鏗外夷違命者剪覆被天殃淳風疑幽現
遐邇競呈祥四時和玉燭七曜巡万方維嶽降輔掌維
帝任忠良五三成一德昭我唐家皇 王之代有闕川
公林宗公述宗公虎林公慈藏廣長公庾信公會于南
之父山舌知巖議國事時有大虎走入座間諸公驚起而闕

川公略不移動談笑自若捉虎尾撲於地而殺之闕川
公督力如此屢於席首然諸公皆服庾信之威新羅有
四靈地將議大事則大臣必會其地謀之則其事必成
一東曰青松山二曰南弓知山三曰西皮田四曰北金
剛山是王代始行正旦禮始行侍郎考

金庾信

虎力伊干之子舒玄角千金氏之長子曰庾信弟曰欽
純姊妹曰寶姬小名阿海妹曰文姬小名阿之庾信公
以真平王十七年乙卯生稟精七曜故背有七星文又
多神異年至十八壬申修幼得術為國公時有白石者

不知其所自來屬於徒中有并郎以代慶曆之事日夜
深謀白石知其謀告於郎曰僕請與公密先探於彼然
後圖之何如郎喜親率白石夜出行方趨於峴上有二
女隨郎而行至骨火川留宿又有一女忽然而至公與
三娘子喜話之時娘等以羨菓餽之郎受而啖之心諾
相許乃說其情娘等告云公之所言已聞命矣願公謝
白石而共入林中更陳情實乃與俱入娘等便覩神形
曰我等奈林穴禮骨火等三所護國之神今敵國之人
誘郎引之郎不知而進途我欲留郎而至此矣言訖而
隱公聞之驚仆再拜而出宿於骨火館謂白石曰今歸

他國忘其要文請與爾還家取來遂與還至家拷縛白

石而問其情曰我本高麗人古本云百濟誤矣嶽南乃高麗之士又逆行陰陽亦

是寶藏我國群臣曰新羅庚信是我國卜筮之士嶽南

也古本作春南誤矣國界有逆流之水或云雄唯九反覆之事使其卜之

奏曰大王夫人逆行陰陽之道其端如此大王驚恠而

王妃大怒謂是媛狐之語告於王更以他事驗問之史

言則加重刑乃以一鼠藏於合中間是何物其人奏曰

是必鼠其命有八乃以謂史言將加斬罪其人誓曰吾

死之後願為大將必滅高麗矣即斬之剖鼠腹而視之

其命有七於是知前言有中其日夜大王晏秋而

新羅舒玄公夫人之懷以告於羣臣皆曰嶽南誓心而

死是其果然故遣我至此謀之爾公乃刑白石備百味

祀三神皆現身受真金氏宗財買夫人死葬於青淵上

谷因名財買谷每年春月一宗士女會宴於其谷之南

澗于時百卉敷榮松花滿洞府林谷口架築為庵因名

松花房傳為願刹至五十四景明王追封公為興虎大

太宗春秋公

第二十九太宗大王名春秋姓金氏龍樹一作龍春角干追

封文興大王之子也妣真平大王之女天明夫人妃文

明皇后文姬即庾信公之季妹也初文姬之姊寶姬夢

登西岳捨溺跡滿京城且與妹詗夢文姬聞之謂曰我

買此夢姊曰與何物乎曰鸞錦裙可乎姊曰諾妹開襟

受之姊曰疇昔之夢傳付於汝妹以錦裙酬之後旬日

庾信與春秋公正月午忌日見上射琴連事蹴鞠于庾

信宅前羅人謂蹴鞠為弄珠之戲故踏春秋之裙裂其襟紐曰請入

吾家縫之公從之庾信命阿海奉針悔曰豈以細事輕

近貴公子乎因辭古本云因病不進乃命阿之公知庾信之意

遂幸之自後數數來往庾信知其有娠乃噴之曰爾不

告父母而有娠何也乃宣言於國中欲焚其妹一日侯

善德王遊幸南山積薪於庭中焚之烟起王幼之問何烟

左右奏曰殆庾信之焚妹也王問其故曰為其妹無夫

有娠王曰是誰所為時公昵侍在前顏色大變王曰是

汝所為也速往救之公受命馳馬傳宣阻之自後現行婚

禮真德王薨以永徽五年甲寅即位御國八年龍朔元

年辛酉崩壽五十九歲葬於哀公寺東有碑王與庾信

神謀戮力一統三韓有大功於社稷故廟號太宗太子

佺敏角干仁問角干文王角干老且角干智鏡角干愷

元等皆文姬之所出也當時買夢之徵現於此矣庶乎

曰皆知文級于車得令公馬得阿于并女五人王膳一

日飯米三斗雄雉九首自庚申年減百濟後除書籍但
朝暮而已然計一日米六斗酒六斗雉十首城中市價
布一疋租三十碩或五十碩民謂之聖代在東宮時欲
征高麗因請兵入唐唐帝賞其風彩謂為神聖之人固
留侍衛力請乃還時百濟末王義慈乃虎王之元子也
雄猛有膽氣事親以孝友于兄弟時號海東曾子以貞
觀十五年辛丑即位耽嫖酒色政荒國危佐平百濟成
爵名
忠極諫不聽囚於獄中瘦困殞死書曰忠臣死不忘君
願一言而死臣嘗觀時變必有兵革之事凡用兵審擇
其也爰上疏而迎敵可以保全吾國兵來陸路不使

過炭山嶺要害之地水雷不使人侵代補補

浦又據其陰隘以禦之然後可也王不省現慶四年已

未百濟烏會寺亦六鳥
合寺有大赤馬晝夜六時遶寺行道

二月象狐入義慈宮中一白狐坐佐平書案上四月大

子宮雌雞與小雀交婚五月細泚扶餘
江名岸大魚出死長

三丈人食之者皆死九月宮中槐樹鳴如人哭夜鬼哭

宮南路上五年庚申春二月王都井水血色西海邊小

魚出死百姓食之不盡泗水血色四月蝦蟇數萬集

於樹上王都市人無故驚走如有捕捉驚仆死者百餘

土失財物者無數六月王興寺僧皆見如紅楯隨大水入

寺門有大犬如野鹿自西至泗此岸向王宮吠之俄不知所之城群犬集於路上或吠或哭移時而散有一鬼入宮中大呼曰百濟之百濟立即入地王植之使人掘地深三尺許有一龜其背有文百濟圓月輪新羅如新月問之巫者云圓月輪者滿也滿則虧如新月者未滿也未滿則漸盈王怒殺之或曰圓月輪盛也如新月者微也意者國家盛而新羅寢微乎王喜太宗聞百濟國中多恠變五年庚申遣使仁問請兵唐高宗詔左衛衛大將軍荆國公蘇定方為神丘道行軍總管率左衛將軍劉白英字二家左衛將軍馬士貴左衛將軍

龐孝公等統十三萬兵來征細記公等十一萬人船一千九百隻

而唐史不詳言之以新羅王春秋為嶠夷道行軍總管將其國

兵與之合勢定方引兵自城山濟海至國西德勿島羅王遣將軍金庚信領精兵五萬以赴之義慈王聞之會群臣問戰守之計佐平義直進曰唐兵遠涉濱海不習水羅人恃大國之援有輕敵之心若見唐人失利必疑懼而不敢銳進故知先與唐人決戰可也達率常永等曰不然唐兵遠來意欲速戰其鋒不可當也羅人屢見敗於我軍今望我兵勢不得不恐今日之計宜塞唐入之路以待師老先使偏師擊羅折其銳氣然後伺其使

平輿

而合戰則可得全軍而保國矣王猶預不知所以從時佐
平輿首得罪流竄于古馬柝知之縣遣人問之曰事急
矣如何首曰大槩如佐平成忠之說大臣等不信曰興
首在縲絏之中怨君而不愛國矣其言不可用也莫若
使唐兵入白江即彼浚流而不得方舟羅軍升炭峴由
徑而不得並馬當此之時縱兵擊之如在籠之雞罹網
之魚也王曰然又聞唐羅兵已過白江炭峴遣將軍偕
伯帥死士五千出黃山與羅兵戰四合皆勝之然兵寡
力盡竟敗而偕伯死之進軍合兵薄漳口瀕江市兵忽
有鳥迴翔於定方營上使人卜之曰必傷元帥定方懼

偕伯死

欲引兵而止度信謂定方曰豈可以飛鳥之性遷天
也應天順人伐至不仁何不祥之有乃扶神劔擬其鳥
割裂而墜於座前於是定方出九涯垂山而陣與之戰
百濟軍大敗王師乘潮軸轡含尾鼓譟而進定方將步
騎直趨都城一合止城中悉軍拒之又敗死者萬餘唐
人乘勝薄城王知不免嘆曰悔不用成忠之言以至於
此遂與太子隆或作孝走北鄙定方圍其城王次子泰
自立為王率衆固守太子之子文思謂王泰曰王與夫
子出而叔擅為王若唐兵解去我等安得全率左右絕
而出民皆從之泰不能止定方令士起塚之唐旗幟泰

窘迫乃開門請命於是王及太子隆王子泰大臣負福
與諸城皆降定方以王義慈及太子隆王子泰王子演
及大臣將士八十八人百姓一万二千八百七人送京
師其國本有五部三十七郡二百城七十六万户至是
折置熊津馬韓東明金連德安等五都督府擢渠長為
都督刺史以理之命郎將劉仁願守都城又左衛郎將
王文度為熊津都督撫其餘衆定方以所俘見上責而
宥之王病死贈金紫光祿大夫衛尉卿許舊臣赴臨詔
葬孫皓陳叔寶墓側并為豎碑七年壬戌命定方為遼
東道行軍大總管伐平壤道破高麗之衆於具左塞

馬邑山為晉以國子據地會大空解國還拜原州安集

大使以定吐蕃乾封二年卒唐帝悼之贈左驍騎大將

軍幽州都督蓋曰莊史文唐新羅別記文虎王即位

五年乙丑秋八月庚子王親統大兵幸熊津城會假王

扶餘隆作壇刑白馬而盟先祀天神及山川之靈然後

歃血為文而盟曰往者百濟先王迷於逆順不敢隣好

不睦親姻結托向嚴交通倭國共為殘暴侵削新羅破

邑屠城略無寧歲天子憫一物之失所憐百姓之被毒

頻命行人諭其和好直陰恃遠侮慢天經赫怒恭

行弔伐旌旗所指一戎大定固可儲官偽作誠來裔

塞源扶本垂訓後昆懷柔伐叛先王之令與亡繼絕
往括之通規事心師古傳諸曩用故立前百濟王司

正卿扶餘隆為熊津都督守其祭祀保其柔祥依倚耕
羅長為與國各除宿憾結好和親恭承詔命永為藩服

仍遣使人右威衛將軍曹城縣公劉仁願親臨勸諭具

宣成旨約之以婚姻申之以盟誓刑牲歃血共敦終始分

災恤患恩若兄弟祗奉綸言不敢墜失既盟之後共保

歲寒若有乖背二三其德興兵動衆侵犯邊陲神明鑒

之百殃是降子孫不育社稷無宗禋祀磨滅罔有遺餘

故下金書藏契歲之宗由子孫乃代無或敢犯神之德

之是享是福歟訖埋弊帛於壇之土地藏盟文於大廟

盟文乃帶方都督劉仁軌作按上唐史之文定方以義

今去會扶餘王隆則知唐帝宥隆而遣之又古記云總

立為熊津都督也故盟文明言以此為疑則李勣之事而下文蘇定方

章元年戊辰若總章戊辰則李勣之事而下文蘇定方

誤矣若定方則年另當龍朔二年壬戌來

軍資王會群臣問曰入於敵國至唐兵屯所其勢危矣

所請王師糧置而不輸其料亦不宜也如何庾信奏曰

臣等能輸其軍資請大王無慮於是庾信仁問等率數

萬人入句麗境輸料二万斛乃還王大喜又欲與師會

唐兵庾信先遣然起兵川等二人問其會期唐帥蘇定

方紙畫鸞獮二物迴之國人未解其意使問於元曉法師解之曰速還其兵謂畫獮畫鸞二切也於是庾信回軍欲渡俱江今日後渡者斬之軍士爭先半渡向嚴兵來掠殺其未渡者翌日信返追向嚴兵捕殺數萬級百濟古記云扶餘城北角有大岩下臨江水相傳云義慈王與諸後宮知其未免相謂曰寧自盡不死於他人手相率至此投江而死故俗云隋死岩斯乃俚諺之訛也但宮人之隋死義慈卒於唐唐史有明文 又新羅古傳云定方既討嚴濟二國又謀伐新羅而留連於是庾

言口其謀害唐兵鳩之皆死坑之今尚州界有唐橋是

其坑地之耶鄉諺之無據耶若壬戌年高麗之役羅人

殺定方之師則後忽章戊辰柯有請兵滅高麗之事以

此知鄉傳無據但戊辰滅嚴之後有不臣之事擅有其

地而已非至殺蘇李二公也王師定百濟既還之後羅王命諸將追

捕百濟殘賊屯次于漢山城高麗靺鞨二國兵來圍之

相擊未解自五月十一日至六月二十二日我兵危甚

王聞之議群臣曰計將何出猶豫未决庾信馳奏曰事

急矣人力不可及唯神術可救乃於星浮山設壇修神

術忽有光耀如大瓮從壇上而出乃星飛而北去因此名星

浮山一名或有別說云山在都林之南秀出一峯是也京城有一人謀求官命其子作高炬夜登此山舉之其夜京師人望人皆謂惟星現於其地王聞之憂懼募人禳之其父將應之曰官奏曰此非大牲也但一家子死

父位之兆耳遂不行禳法
是夜其子下山虎傷而死漢山城士卒悉救兵不至
相視哭泣而已賊欲攻急忽有光耀從南天際來成霹靂
擊碎砲石三十餘所賊軍弓箭矛戟籌碎皆仆地良久
乃蘇奔潰而歸我軍乃還太宗初即位有獻猪一頭二
身八足者議者曰是必并吞六合瑞也是王代始服中
國衣冠牙笏乃法師慈藏請唐帝而來傳也神文王時
唐高宗遣使新羅曰朕之聖考得賢臣魏徵李淳風等
協心同德一統天下故為太宗皇帝汝新羅海外小國
有太宗之号以僭天子之名義在不忠速改其号新羅
王上表曰新羅雖小國得聖臣金庚信一統三國故討
為太宗帝見表乃思儲貳時有天唱空云三十三天之
一人降於新羅為庚信紀在於書出檢視之驚懼不已
更遣使許無改太宗之号

長春郎 罷郎一作罷

初與百濟兵戰於黃山之役長春郎罷郎死於陣中後
討百濟時見夢於太宗曰臣等昔者為國立身至於自
骨庶欲完護邦國故隨從軍行無怠而已然迫於唐帥
定方之威遂於人後爾願王加我以小勢大王驚恠之
為二魂說經一日於羊山亭又為創壯義寺於漢山州
以資冥援

三國遺事卷第一

文虎王法敏

王初即位龍朔辛酉泗泚南海中有死女尸身長七十
三尺足長六尺陰長三尺或云身長十八尺在封乾二
年丁卯

總章戊辰王統兵與仁問欽純等至平壤會唐兵滅麗

唐帥李勣獲高臧王還國王之性高故云高臧按唐書高記現慶五年庚申蘇定方

等征百濟後十二月大將軍契如何為俱道行軍大總管蘇定方為遼東

道大總管劉伯英為平壤道大總管以伐高麗又明年

辛酉正月蕭嗣業為扶餘道總管任雅相為俱江道總

管率三十五萬軍以伐高麗八月甲戌蘇定方等及高麗戰于俱江敗亡虜封元年丙寅六月以龐同善高臨薛仁貴李謹行等爲後援九月龐同善及高麗戰敗之十二月己酉以李勣爲遼東道行臺大總管率六萬管兵以伐高麗總章元年戊辰九月癸巳李勣獲高臧王十二月丁巳獻俘于帝上元元年甲戌二月劉仁軌爲雞林道總管以伐新羅而卿古記云唐遣陸路將軍孔恭水路將軍有相與新羅金庾信等滅之而此云仁問欽純等無庾信未詳時唐之游兵諸將兵有留鎮而將謀襲我者王覺之發兵之明年高宗使召仁問等

護之曰爾請我兵以滅麗唐之何耶乃下園扉銀兵五十萬以薛那爲帥欲伐新羅時義相師西學入唐來見仁問仁問以事諭之相乃東還上聞王甚悼之會群臣問防禦策用千金天尊奏曰近有明朗法師入龍宮傳秘法而來請詔問之朗奏曰狼山之南有神遊林劍四天王寺於其地開設道場則可矣時有貞州使走報曰唐兵無數至我境迴斬海上王召明朗曰事已逼至如何朗曰以彩帛假捕宜矣乃以彩帛營寺草捕五方神像以瑜珈明僧十二負明朗爲上首作文豆婁秘密之法時唐羅兵未交接風濤怒起唐船皆沒於水後改物

寺名四天王寺至今不墜壇席

國史云改初在調露元年已卯

後年辛

未唐更遣趙憲為帥亦以五萬兵來征又作其法舡沒如前是時翰林郎朴文俊隨仁問在獄中高宗召文俊曰汝國有何密法再發大兵無生還者文俊奏曰陪臣等來於上國一十餘年不知本國之事但遙聞一事爾厚荷上國之恩一統三國欲報之德新初天王寺於狼山之南祝皇壽万年長開法席而已高宗聞之大悅乃遣禮部侍郎樂鵬龜使於羅審其寺王先聞唐使將至不宜見茲寺乃別初新寺於其南待之使至曰必先行看於皇帝祝壽之所天王寺乃引見新寺其使立於門

前曰不是四天王寺乃聖德遙山之寺終不入國人以

金一千兩贈之其使乃還奏曰新羅初天王寺祝皇壽

於新寺而已因唐使之言因名聖德寺

武系孝昭王聞王代誤矣

文俊善奏帝有寬赦之意乃命強首先生作請放仁問

表以舍人遠禹奏於唐帝見表流涕赦仁問慰送之仁

問在獄時國人為初寺名仁空寺開設觀音道場及仁

問來還死於海上改為彌陀道場至今猶存太王御國

二十一年以永隆二年辛巳崩遺詔葬於東海中太巖

上王平時常謂智義法師曰朕身後願為護國大龍崇

奉佛法守護邦家法師曰龍為畜報何王曰我歎世間

榮華又矣若鹿麕報為畜則雅合朕懷矣王初即位置南山長倉長五十步廣十五步貯米穀兵器是為右倉天恩寺西北山上是為左倉別本云建福八年辛亥築南山城周二千八百五十步則乃真德王代始築而至此乃重修爾又始築富山城三年乃畢安北河邊築鐵城又欲築京師城郭既令真吏時義相法師聞之致書報云王之政教明則雖草丘盡地而為城民不敢踰可以禦幾進福政教苟不明則雖有長城幾害未消王於是正罷其役麟德三年丙寅三月十日有人家婢名吉伊一乳生三子總章三年庚午正月七漢歧部一山級干一

作成山伺于婢一乳生四子一女三子國給穀二百石以賞之 又伐高麗以其國王孫還國置之真骨位

王一日召庶弟車得公曰汝為冢宰均理百官平章四海公曰陛下若以小臣為宰則臣願潛行國內示民間

搖役之勞逸祖賦之輕重官吏之清濁然後就戢王聽之公著緇衣把琵琶為居士形出京師經由阿瑟羅州

今須牛首州今春北原京州今忠至於武玠州陽海 州

里開州吏安吉見是異人邀致其家盡情供德至夜安

吉喚妻妾三人曰今茲侍宿客居士者終身偕老二妻

曰寧不並居何以穢人同宿其一妻曰公若許終身並

居則承命矣從之詰旦居士欲辭行時曰僕京師人也
吾家在皇龍皇聖二寺之間吾名端午也俗為端午主為車衣

人若到京師尋訪吾家幸矣遂行到京師居家宰國之
制每以外州之吏一人上守京中諸曹注今之其人也

安吉當次上守至京師問兩寺之間端午居士之家人
莫知者安吉又立道左有一老翁經過聞其言良久行

思曰二寺間一家殆大內也端午者乃車得令公也潛
行外郡時殆汝有緣梨乎安吉陳其實老人曰汝去宮

城之西故正門待宮女出入者告之安吉從之告武珣
則安吉進於明矣公聞而走避于入宮時出公之妃

與安吉共宴具饌至五十味間推上以聖海山推作嶺
下為武珣州上守繞木田禁人樵採人不敢近內外欽
羨之山下有田三十畝下種三石此田稔歲武珣州亦
稔否則亦否去

万波息笛

第三十一神文大王諱政明金氏開耀元年辛巳七月

七月即位為聖考文武大王創感恩寺於東海邊詩云

文武王欲鎮倭兵故始創此寺未畢而崩為海龍其子
神文立開耀二年畢辨金堂西下東向開一穴乃龍之
入寺旋繞之備蓋遺詔之藏骨處名大王明辛壬午五
岩寺名感恩寺後見龍現形地名利見臺

月朔一本云天授元年誤矣海官波珠喰朴風清養曰東海中有

小山浮來向感恩寺隨波往來王異之命日官金春賈

一作台之曰聖考今為海龍鎮護三韓柳又金公度信

乃三十三天之一子今降為大臣二聖同德欲出守城

之寶若陛下行幸海過必得無價大寶王喜以其月七

日駕幸利見臺望其山遣使審之山勢如龜頭上有一

竿竹晝為二夜合一一云山亦晝使來奏之王御感恩

寺宿明日午時竹合為一天地振動風雨晦暗七日至

其月十六日風霽波平王泛海入其山有龍奉黑玉帶

來獻迎接共坐問曰此山與竹或判或合如何龍曰此

如一手拍之無聲二手拍則有聲此竹之為物合之然

後有聲聖王以聲理天下之瑞也王取此竹作笛吹之

天下和平今王考為海中大龍便信復為天神二聖同

心出此無價大寶令我獻之王驚喜以五色錦彩金玉

酬賽之勅使斫竹出海時山與龍忽隱不現王宿感恩

寺十七日到祇林寺西溪邊留駕晝膳太子理恭即考昭大

王守闕聞此事走馬來賀徐察奏曰此玉帶諸窠皆真

龍也王曰汝何知之太子曰摘一窠沉水示之乃摘左

邊第二窠沉溪即成龍上天其地成洲因號龍洲駕還

以其竹作笛藏於月城天尊庫吹此笛則兵退病愈旱

兩雨晴風定波平號萬波息笛稱為國寶至孝昭大王

代天授四年癸巳因失禮郎生還之異更封號曰万万波波息箇詳見彼傳

孝昭王代

竹音郎

亦作竹曼亦名智官

第三十二孝昭王代竹曼郎之徒有得烏谷一云級干隸

名於風流黃卷追日仕進隔旬日不見郎嘆其母問爾

子何在母曰幢典年梁益宣阿于以我子若富山城倉

直馳去行急未暇告辭於郎郎曰汝子若私事適彼則

不須尋訪今以公事進去須歸享矣乃以吾餅一合酒

一缸卒左人鄉云皆叱知言奴僕也而行郎徒百三十七人亦具

儀侍從到富山城問人得烏失笑在人曰今在益宣

田隨例赴役郎歸田以所將酒餅饗之請暇於益宣將

欲偕還益宣固禁不許時有使使佩珎管收推火郡能

節租三十石輸送城中美郎之重士風味鄙宣暗塞不

通乃以所領三十石贈益宣助請猶不許又以珎節舍

知騎馬鞍具貽之乃許朝運花主闈之遣使取益宣將

洗浴其垢醜宣逃隱掠其長子而去時仲冬極寒之日

浴洗於城內池中仍合凍死大王聞之勅牟梁里人從

官者並合黜遣更不接公署不著黑衣若為僧者不合

入鍾鼓寺中勅史上侃珎子孫為梓定戶孫標異之時

園測法師是海東高德以牟梁里人故不授僧職初述

宗公爲朔州都督使將歸理所時三韓兵亂以騎兵三千護送之行至竹音嶺有一居士平理其嶺路公見之歎美居士亦善公之威勢赫甚相感於心公赴州理隔一朔夢見居士入于房中室家同夢驚恠尤甚翌日使人問其居士安否人曰居士死有日矣使來還告其死與夢同日矣公曰殆居士誕於吾家爾更發卒修葬於嶺上北峯造石彌勒一軀安於塚前妻氏自夢之日有娠既誕因名竹音壯而出仕與庾信公爲副帥統三韓真德大宗文武神文四代爲冢寧安定厥邦初得烏谷慕郎爲作歌曰

去隱春皆理米 毛冬居叱沙哭屋尸以憂音 阿冬音乃叱好支賜烏隱 兒史年數就音隨支行齊 目煙迴於尸七史伊衣 逢烏支惡知作乎下是 郎也慕理尸心未 行乎尸道尸 蓬次叱巷中宿尸夜音有叱下是

聖德王

第三十三聖德王神龍二年丙午歲 不登人民飢甚丁未正月初一日至七月三十日救民給租一口一日三升爲式終事而計三十万五百碩也 王爲太宗大王初奉德寺設仁王道場七日大赦始有侍中駁本

系孝
成王

水路夫人

聖德王代純貞公赴江陵大守今賓州行次海汀晝饑傍

有石嶂如屏臨海高千丈上有躑躅花盛開公之夫人

水路見之謂左右曰折花獻者其誰從者曰非人跡所

到皆辭不能傍有老翁牽犂牛而過者聞夫人言折其

花亦作歌詞獻之其翁不知何許人也便行二日程又

有臨海亭晝饑次海龍忽攬夫人入海公顛倒躄地計

無所出又有一老人告曰故人有言衆口鑠金今海中

傍生何不畏衆口乎宜進界內民作歌唱之以杖打岸

可見夫人矣公從之龍奉夫人出海獻之公問夫人

海中事四七寶宮殿所鑿甘滑香潔非人間煙火此夫

人衣襲異香非世所聞水路姿容絕代每經過深山大

澤屢被神物掠攬衆人唱海歌詞曰龜乎龜乎出水

路掠人婦女罪何極汝若悖逆不出獻入網捕掠燔

之喫老人獻花歌曰紫布岩乎過希執音乎手母牛放

教遣吾盼不喻慚朕伊賜等花盼折叱可獻乎理

音如

孝成王

開元十年壬戌十月始築關門於毛大郡今毛火村屬

慶州東南境乃防日本塞垣也周迴六千七百九十二步五尺役徒三萬九千二百六十二人掌負元真角于開元二十一年癸酉唐人欲征北狄請兵新羅客使六百四人來還國

景德王

忠談師

表訓大德

德經等大王備禮受之王御國二十四年五岳三山神等時或現侍於殿庭三月三日王御啟正門樓上謂左右曰誰能途中得一負榮服僧來於是適有一大德威儀鮮潔徜徉而行左右望而引見之王曰非吾所謂榮僧也退之更有一僧被衲衣負櫻筒一作簞從南而來王

喜見之邀致樓上視其筒中盛茶具已曰汝為誰耶僧

曰忠談曰何所歸來僧曰僧每重三重九之日烹茶饗南山三花嶺彌勒世尊今茲既獻而還矣王曰寡人亦一甌茶有分乎僧乃煎茶獻之茶之氣味異常甌中異香郁烈王曰朕嘗聞師讚耆婆郎詞腦歌其意甚高是其果乎對曰然王曰然則為朕作理安民歌僧應時奉勅歌呈之玉佳之封王師焉僧再拜固辭不受安民歌曰君隱父也臣隱愛賜尸母史也民焉狂尸恨阿孩古為賜尸知民是愛尸知古如窟理叱大勝生以支所音物生此勝喰惡支治良羅此地勝捨遺只

於冬是去於丁 為尸知國惡支持以 支知右如後
旬 君如臣多支民隱如 為內尸等焉國惡大平根
音叱如

讚耆婆郎歌曰

咽鳴爾處米 露曉邪隱月羅理 白雲音逐于浮去
隱安支下 沙是八陵隱汀理也中 耆郎矣兒史是
史藪邪 逸為川理叱磧惡希 郎也持以支如賜烏
隱 心未際叱勝逐內良齊 阿耶 栢史叱枝次高
支好 雪是毛冬乃乎尸花判也

王至董長八

無子廢之封沙梁夫人後妃滿月夫人

詔景垂太后依忠前干之女也王一月詔表訓大德曰
朕無祐不獲其嗣願大德請於上帝而有之訓上告於
天帝還來奏去帝有言求女即可男即不宜王曰願轉
女成男訓再上天請之帝曰可則可矣然為男則國殆
矣訓欲下時帝又召曰天與人不可亂今師往來如隣
里漏洩天機今後宜更不通訓來以天語諭之王曰國
雖殆得男而為嗣足矣於是滿月王后生太子王喜甚
至八歲王崩太子即位是為惠恭大王幼冲故太后臨
朝政條不理盜賊蜂起不遑備禦訓師之說驗矣小帝
既女為男故自期時至於登位常為婦女之戲好佩錦

囊與道流為戲故國有大亂終為宣德與金良相所弑
自表訓後聖人不生於新羅云

惠恭王

大曆之初康州官署大堂之東地漸陷成池

一本大寺東小池

從十三尺橫七尺忽有鯉魚五六相繼而漸大洲亦隨
大至二年丁未又天狗墜於東樓南頭如彘尾三尺許
色如烈火天地亦振又是年今浦縣稻田五頃中皆米
顯成穗是年七月北宮庭中先有二星墜地又一星墜
三星皆沒入地先時宮北廁園中二莖蓮生又奉聖寺
田中生蓮虎入禁城中追覓失之角干大恭家梨木上

雀集無數據安國兵法下卷云天下兵大亂於是大赦
修省七月三日大恭角干賊起王都及五道州郡并九
十六角干相戰大亂大恭角干家三輸其家資寶帛于
王宮新城長倉火燒逆黨之寶穀在沙梁年梁等里中
者亦輸入王宮亂弥三朔乃息被賞者頗多誅死者無
筭也表訓之言國殆是也

元聖大王

伊飡金周元初為上宰王為角干居二宰夢脫幪頭著
素笠把十二絃琴入於天官寺井中覺而使人台之曰
脫幪頭者失職之兆把琴者著枷之兆入井入獄之兆

王聞之甚患杜門不出于時阿飡餘三或本餘山來通
謁王辭以疾不出再通曰願得一見王諾之阿飡曰公
所忌何事王具說右夢之由阿飡興拜曰此乃吉祥之
夢公若登大位而不遺我則為公解之王乃辟禁左右
而請解之曰脫幪頭者人無居上之者素笠者見旒之
兆也把十二絃琴者十二孫傳世之兆也入天官井入
宮禁之瑞也王曰上有周元何居位阿飡曰請密祀
北川神可矣從之未幾宣德王崩國人欲奉周元為王
將迎入宮家在川北忽川漲不得渡王先入宮即位上
宰之徒眾皆來附之拜賀新登之主是為元聖大王謹

敬信金武蓋厚夢之應也周元退居嶺州王既登極時

餘山已卒矣召其子孫賜爵王之孫有五人惠忠大子
憲平大子禮英匣干大龍夫人小龍夫人等也大王誠
知窮達之變故有身空詞腦歌歌王未詳王之考大角干孝

讓傳祖宗方波息笛乃傳於王王得之故厚荷天恩其

德遠輝貞元二年丙寅十月十一日日本王文慶按日本

紀第五十五年文德王疑是也舉兵欲伐新羅餘無文慶或本去是王太子聞新羅

有方波息笛退兵以金五十兩遣使請其笛王謂使曰

朕聞上世真平王代有之耳今不知所在明年七月七

日更遣使以金一千兩請之曰寡人願得見神物而還

之矣王亦辭以前對以銀三千兩賜其使還金而不受

八月使還藏其留於內黃殿王即位十一年乙亥唐使

來京留一朔而還後一日有二女進內庭奏曰妾等乃

東池青池青池即東泉寺之泉也寺記云泉乃東海龍

五層塔并往來聽法之地寺乃真平王所造五百聖眾二龍之妻也唐使將河西國二人而來呪我

夫二龍及芬皇寺井等三龍變為小魚筒貯而啟願陛

下勅二人留我夫等護國龍也王追至河陽館親賜享

宴勅河西人曰爾輩何得取我三龍至此若不以實告

必加極刑於是出三魚獻之使放於三處各湧水丈餘

喜躍而逝唐人服王之明聖王一日請皇龍寺住持本

去華嚴寺又金剛寺者蓋以奇名經名光混之也釋智

海入內稱華嚴經五旬沙弥妙正每洗鉢於金光井因

賢法師邊有一龜浮沉井中沙弥每以殘食餽而為戲

席將罷沙弥謂龜曰吾德汝日久何以報之隔數日龜

吐一小珠如欲贈遺沙弥得其珠繫於帶端自後大王

見沙弥愛重邀致內殿不離左右時有一匣于奉使於

唐亦愛沙弥請與俱行王許之同入於唐唐帝亦見沙

弥而寵愛承相左右莫不尊信有一相士奏曰審此沙

弥無一吉相得人信敬必有所持異物使人檢看得帶

端小珠帝曰朕有如意珠四枚前年失一个今見此珠

乃吾所失也帝問沙弥沙弥具陳其事帝內失珠之日
與沙弥得珠同日帝留其珠而遣之後人無愛信此沙
弥者王之陵在吐含岳西洞鵠寺今崇福寺有崔致遠撰碑
又翔報恩寺又望德樓 追封祖訓入匣于為興平大
王曾祖義官匣于為神英大王高祖法宣大阿于為玄
聖大王玄聖大王玄聖之考即摩叱次匣于

早雪

第四十哀莊王末年戊子八月十五日有雪

第四十一憲德王元和十三年戊戌三月十四日大雪

作丙寅誤矣元

第四十六文聖王己未五月十九日大雪八月一日天
地晦暗

興德王

鸚鵡

第四十二興德大王寶曆二年丙午即位未幾有人奉
使於唐將鸚鵡一雙而至不久雌死而孤雄哀鳴不已
王使人掛鏡於前鳥見鏡中影擬其得偶乃啁其鏡而
知其影乃哀鳴而死王作歌云未詳

神武大王

閻長

弓巴

第四十五神武大王潛邸時謂俠士弓巴曰我有不同
天之雛汝能為我除之獲居大位則娶爾女為妃弓巴

許之協心同力舉兵犯京師能成其事既篡位欲以巴之女爲妃羣臣極諫曰巴側微上以其女爲妃則不可王從之時巴在清海鎮爲軍戎悉王之違言欲謀亂時將軍閻長聞之奏曰巴將爲不忠小臣請除之王喜許之閻長承旨歸清海鎮見謁者通曰僕有小怨於國君欲投明公以全身命巴聞之大怒曰爾輩諫於王而廢我女胡顧見我乎長復通曰是百官之所諫我不預謀明公無嫌也巴聞之引入廳事謂曰卿以何事來此長曰有忤於王欲投幕下以克害爾巴曰幸矣置酒歡甚長取巴之長劍斬之麾下軍士驚懼皆伏地長引至京師復命曰已斬弓巴矣上喜賞之賜爵阿干

四十八景文大王

王諱膺廉年十八爲國仙至於弱冠憲安大王召郎宴於殿中問曰郎爲國仙優遊四方見何異事郎曰臣見有美行者三王曰請聞其說郎曰有人爲人上者而爲謙坐於人下其一也有人豪富而衣儉易其二也有人本貴勢而不用其威者三也王聞其言而知其賢不覺墮淚而謂曰朕有二女請以奉巾櫛郎避席而拜之誓首而退告於父母父母驚喜會其子弟議曰王之上公主兒甚寒寢第二公主甚美娶之幸矣郎之徒上首

範教師者聞之至於家問郎曰大王欲以公主妻公信乎郎曰然曰奚娶郎曰二親命我宜弟師曰郎若娶弟則予必死於郎之前娶其兄則必有三美誠之哉郎曰聞命矣既而王擇辰而使於郎曰二女惟公所命使歸以郎意奏曰奉長公主爾既而過三朔王疾革召群臣曰朕無男孫寃夢之事宜長女之夫膺庶繼之翌日王崩郎奉遺詔即位於是範教師詣於王曰吾所陳三美者今皆著矣娶長故今登位一也昔之欽艷第主今易可取二也娶兄故王與夫人喜甚三也王德其言爵為大德賜金一百三十兩王崩謚曰景文王之寢殿

每日暮無數眾蛇俱集宮人驚怖將驅遣之王曰寡人

若無蛇不得安寢宜無禁每寢吐舌滿甬鋪之乃登位王耳忽長如驢耳王后及宮人皆未知唯幞頭匠一人知之然生平不向人說其人將死入道林寺竹林中無人處向竹唱云吾君耳如驢耳其後風吹則竹聲去吾君耳如驢耳王惡之乃伐竹而植山茱萸風吹則但聲云吾君耳長道林寺舊在入都林邊國仙邀元郎譽昕郎挂元叔宗郎等遊覽金蘭暗有為君主理邦國之意乃作歌三首使心弼舍知授針卷送大炬和尚處令作三歌初名玄琴抱曲第二大道曲第三問羣曲入奏於王王大喜

稱賞歌未詳

處容郎

望海寺

第四十九憲康大王之代自京師至於海內比屋連牆無一草屋笙歌不絕道路風雨調於四時於是大王遊

開雲浦

在鶴城西
南今蔚州

王將還駕書歌於汀過忽雲霧冥曠

迷失道路恠問左右曰官奏云此東海龍所變也且行勝事以解之於是勅有司為龍勅佛寺近境施令已出雲開霧散因名開雲浦東海龍喜乃率七子現於駕前讚德獻舞奏樂其一子隨駕入京輔佐王政名曰處容王以美女妻之欲留其意又賜級千職其妻甚美

渡神斂慕之變無人夜至其家竊與之宿處容自外至其家見寢有二人乃唱歌作舞而退歌曰東京明期月良夜入伊遊行如可入良沙寢矣見昆脚烏伊四是良羅二朐隱吾下於叱古二朐隱誰支下焉古本矣吾下是如馬於隱棄叱良乙何如為理古時神現形跪於前曰吾美公之妻今犯之矣公不見怒感而美之誓今已後見畫公之形容不入其門矣因此國人門帖處容之形以僻邪進慶王既還乃卜靈鷲山東麓勝地置寺曰望海寺亦名新房寺乃為龍而置也又幸鮑石亭南山神現舞於御前左右不見王獨見之有人現舞於前

王自作舞以像示之神之名或曰祥審故至今國人傳此舞曰御舞祥審或曰御舞山神或云旣神出舞審象其見命工摹刻以示後代故云象審或云霜騎舞此乃以其形稱之又幸於金剛嶺時北岳神呈舞名玉刀鈐又同禮殿宴時地神出舞名地伯級于語法集云于時山神獻舞唱歌云智理多都波都波等者蓋言以智理國者知而多逃都邑將破云謂也乃地神山神知國將亡故作舞以警之國人不悟謂爲現瑞耽樂滋甚故國終三

真聖女大王

居陲知

第五十一真聖女王臨朝有年乳母鳧好夫人與其夫魏弘通干等三四寵臣擅權撓政盜賊蜂起國人患之乃作陲羅尼隱語書投路上王與權臣等得之謂曰此非王居仁誰作此文乃囚居仁於獄居仁作詩訴于天
天乃震其獄囚以免之詩曰燕丹泣血虹穿日
緜衍含悲夏落霜今我失途還似舊皇天何事不垂祥
陲羅尼曰南無上國 剝尼那帝 判尼判尼蘇判尼于于三阿干 鳧伊娑婆訶 說者云剝尼那帝者言女主也判尼判尼蘇判尼者言三蘇判也蘇判爵名于于三阿干也鳧伊者言鳧好也 此王代阿飡良負王之季子

也奉使於唐聞百濟海賊梗於津島選弓士五十人隨之舡次鵠島

卿云骨大島

風濤大作信宿凌旬公惠之使人

卜之曰島有神池祭之可矣於是具奠於池上池水湧

高丈餘夜夢有老人謂公曰善射一人留此島中可得

便風公覺而以事諮於左右曰留誰可矣衆人曰宜以

木簡五十片書我輩名沉水而闔之公從之軍士有居

陁知者名沉水中乃留其人便風忽起舡進無滯居陁

愁立島嶼忽有老人從池而出謂曰我是西海若每一

沙弥日出之時從天而降誦陁羅尼三繞此池我之夫

婦子孫皆浮水上沙弥取吾子孫肝腸食之盡矣唯存

吾夫婦與一女爾來朝又必來請君射之居陁曰弓矢

之事吾所長也聞命矣老人謝之而沒居陁隱伏而待

明日扶桑既暎沙弥果來誦呪如前欲取老龍肝時居

陁射之中沙弥即變老狐墜地而斃於是老人出而謝

曰受公之賜全我性命請以女子妻之居陁曰見賜不

遺固所願也老人以其女變作一枝花納之懷中仍命

二龍捧居陁赴及使舡仍護其舡入於唐境唐人見新

羅舡有二龍負之具事上聞帝曰新羅之使必非常人

賜宴坐於羣臣之上厚以金帛遺之既還國居陁出花

枝變女同居焉

孝恭王

第五十二孝恭王光化十五年壬申

實朱梁氣化二年也

奉聖寺

外門東西二十一間鵲巢又神德王即位四年乙亥右本

云天祐十二年當作貞明元年

靈廟寺內行廊鵲巢三十四鳥巢四十

又三月再降霜六月斬浦水與海水波相鬪三日

景明王

第五十四景明王代貞明五年戊寅四天王寺壁畫狗

鳴說經三日燼之大半日又鳴七年庚辰二月皇龍寺

塔影倒立於今毛舍知家庭中一朔又十月四天王寺

五方神弓絃皆絕壁畫狗出走庭中還入壁中

景哀王

第五十五景哀王即位同光二年甲辰二月十九日皇

龍寺說百座說經兼飯禪僧三百大王親行香致供此

百座通說禪教之始

金傳大王

第五十六金傳大王謚敬順天成二年丁亥九月百濟

孰萱侵羅至高鬱府景哀王請救於我太祖命將以勁

兵一万往救之救兵未至萱以冬十一月掩入王京王

與妃嬪宗戚遊鮑石亭宴娛不覺兵至倉卒不知所為

王與妃奔入後宮宗戚及公卿大夫士女四散奔走為

賊所虜無貴賤匍匐乞爲奴婢萱縱兵擄掠公私財物入處王宮乃命左右索王王與妃妾數人匿在後宮拘致軍中逼令王自進而強淫王妃縱其下亂其嬪妾乃立王之族弟傳爲王王爲萱所舉即位前王尸殯於西堂與羣下慟哭我太祖遣使弔祭明年戊子春三月大祖率五十餘騎到京畿王與百官郊迎入相對曲盡情禮置宴臨海殿酒酣王言曰吾以不天侵致禍亂孰萱恣行不義喪我國家何如之因泣然涕行左右莫不嗚咽太祖亦流涕因留數旬乃迴駕麾下肅靜不犯秋毫都人士女相慶曰昔亂民之來也如逢豺虎今王公

之至如見父母八月太祖遣使遺王錦袍鞍馬并賜羣僚將士有差清泰二年乙未十月以四方地盡爲他國弱勢孤不已自安乃與羣下謀舉土降太祖羣臣可否紛然不已王太子曰國之存亡必有天命當與忠臣義士收合心力盡而後已豈可以一千年之社稷輕以與人王曰孤危若此勢不能全旣不能強又不能弱至使無辜之民肝腦塗地吾所不能忍也乃使侍郎金封休齋書請降於太祖太子哭泣辭王徑往皆骨山麻衣草食以終其身季子祝駿肆華嚴爲浮圖名梵空後住法水海印寺云太祖受書送太相王鐵迎之王率百僚

歸我太祖香車寶馬連亘三十餘里道路頃咽觀者如

堵太祖出郊迎勞賜官東一區今正院以長女樂浪公主

妻之以王謝自國居他國故以鸞喻之改號神鸞公主

謚孝穆封為正承位在太子之上給祿一千石侍從負

將皆錄用之改新羅為慶州以為公之食邑初王納土

來降太祖喜甚待之厚禮使告曰今王以國與寡人其

為賜大矣願結誓於宗室以永甥舅之好王荅曰我伯

父億庶王之考孝宗甫干追封神異大王之弟也有女子德容雙美非是無

以備內政太祖娶之是為神成王后金氏本朝登仕郎金寬毅所撰

王代宗錄云神成王后厚氏本慶州大尉厚正言為使州守時太祖率此州納為妃故武去使州君顯堂云

十五如主中不載金氏之事未詳然而史臣之論亦以安宗為新羅外孫

當以史傳為是太祖之孫景宗伯聘政承公之女為妃

是為憲承皇后仍封政承為尚父大平興國三年戊寅

崩謚曰敬順用尚文誥曰勅姬周啓聖之初先封呂主

劉漢興王之始首開簫何自大定寰區廣開基業立龍

圖三十代躡麟趾四百年日月重明乾坤交泰雖自無

為之主乃開致理之臣觀光順化衛國功臣上柱國樂

浪王政承食邑八千戶金傳世雞林官分王爵英烈振

凌雲之氣文章騰擲地之才富有春秋貴居茅土六韜

三略拘入宵襟七縱五申撮飯指掌我太祖頃載接陸

擲之好早認餘風尋時領駙馬之姻內酬大節家國旣
歸於一統君臣宛合於三韓顯播令名光崇懿範可加
號尚父都省令仍賜推忠慎義崇德守節功臣號勲封
如故食邑通前為一万户有司擇日備禮冊命主者施
行開寶八年十月日大臣內議令無捻翰林臣翽宣奉
行奉勅如右牒到奉行開寶八年十月日侍中署侍中
署內奉令署軍部令署軍部令無署兵部令無署兵部
令署廣坪侍郎署廣坪侍郎無署內奉侍中署內奉
侍郎署軍部卿無署軍部卿署兵部卿無署兵部卿署
告推忠慎義崇德守節功臣尚父都省令上柱國樂浪

者王會也一乃千金信奉勅如右行到奉行主事無名

郎中無名書令史無名孔目無名開寶八年十月日下
史論曰新羅朴氏昔氏皆自知生金氏從天入金橫而降
武去乘金車此尤詭恠不可信然世俗相傳為實事今
但厚厥初在上者其為已也儉其為人也寬其設官也

略其行事也簡以至誠事中國梯航朝聘之使相續不
絕常遣子弟造朝宿衛入學而誦習于以襲聖賢之風
化革鴻荒之俗為禮義之邦又憑王師之威靈平百濟
高句麗取其地郡縣可謂盛矣然而奉浮屠之法不知
其弊至使閭里比其塔廟齊民逃於緇褐兵農侵小

國家日衰幾何其不亂且三也哉於是時景哀王加之以
荒樂與宮人左右出遊鮑石亭置酒燕衍不知孰置之
至與門外韓擒虎樓頭張麗華無以異矣若敬順之歸
命太祖雖非獲已亦可佳矣向若力戰守死以抗王師
至於力屈勢窮即必覆其家族嘗及于無辜之民而乃
不待告命封府庫籍群難以歸之其有功於朝廷有德
於生民甚大昔錢氏以吳越入宋蘇子瞻謂之忠臣今
新羅功德過於彼遠矣我太祖妃嬪衆多其子孫亦繁
衍而顯宗自新羅外孫即寶位此後繼統者皆其子孫
豈非陰德也歟新羅既納土國除阿干神會罷外署還

具者地雖遠有桑麻羅漢乃作歌三未詳

南扶餘

前百濟

北扶餘已見上

扶餘郡者前百濟王都也或稱所夫里郡按三國史記
百濟聖王二十六年戊午春移都於泗泚國號南扶餘
注曰其地名所夫里泗泚今之古省津也所夫里者扶
餘之別號也已上注又按量田帳籍曰所夫里郡田丁
柱貼今言扶餘郡者復上古之名也百濟王姓扶氏故
稱之或稱餘州者郡西資福寺高座之上有繡帳焉其
繡文曰統和十五年丁酉五月日餘州功德大寺繡帳
又昔者河南置林州刺史其時圖籍之內有餘州二字

林州今佳林郡也餘州今之扶餘郡也百濟地理志曰
後漢書曰三韓凡七十八國百濟是其一國焉北史云
百濟東極新羅西南限大海北際漢江其郡曰居扶城
又云固麻城其外更有五方城 通典云百濟南接新
羅北距高麗西限大海 舊唐書云百濟扶夫之別程
東北新羅西渡海越州南渡海至倭北高麗其王所居
有東西兩城 新唐書云百濟西界越州南倭皆踰海
北高麗 史本記云百濟始祖溫祚其父羅牟王武云
朱蒙自北扶餘逃難至卒本扶餘州之王無子只有三
女見朱蒙愛之非常人以第二女妻之未幾扶餘州王薨

朱蒙嗣位生二子長曰沸流次曰溫祚後太子所不
容遂與烏干馬黎等臣南行百姓從之者多遂至漢山
登負兒岳望可居之地沸流欲居於海濱十臣諫曰惟
此河南之地北帶漢水東據高岳南望浹澤西阻大海
其天險地利難得之勢作都於斯不亦宜乎沸流不聽
分其民歸彌離忽居之溫祚都河南慰禮城以十臣為
輔翼國號十濟是漢成帝鴻佳三年也沸流以彌離忽
土濕水醜不得安居飯見慰禮都邑鼎定人民安泰遂
慙悔而死其臣民皆飯於慰禮城後以來時百姓樂悅
改號百濟其世系與高句麗同出扶餘故以解為氏後

至聖王移都於泗泚今扶餘郡 扶餘郡 慰禮 今稷山 按古典記

去東明王第三子溫祚以前漢鴻佳三年癸酉自卒本

扶餘至慰禮城立都稱王十四年丙辰移都漢山今廣

歷三百八十九年 至十三世近肖古王咸安元年取

高句麗南平壤移都北漢城今楊 歷一百五年 至二

十二世文周王即位元徽三年乙卯移都熊川今公 歷

六十三年至二十六世聖王移都所夫里國號南扶餘

至三十一世義慈王歷一百二十年 至唐顯慶五年

是義慈王在位二十年新羅金庾信與蘇定方討平之

百濟國舊有五部分統三十七郡二百濟城七十六方

戶唐以地分置熊津馬韓東明金連德安等五都督府

仍其酋長為都督府刺史未幾新羅盡并其地置熊全

武三州及諸郡縣 又虎岫寺有政事岫國家將議宰

相則書當選者名或三四函封置岫上須臾取者名上

有印跡者為相故名之 又泗泚河過有一岫蘇定方

嘗坐此上釣魚龍而出故岫上有龍跪之跡因名龍岫

又郡中有三山曰 山具山浮山國家全盛之時各有

神人居其上飛相往來朝夕不絕 又泗泚岸又有一

石可坐十餘人百濟王欲幸王興寺禮佛先於此石望

拜佛其石自煖因名燠石 又泗泚河兩岸如畫屏百

濟王每遊宴歌舞故至今稱為大王浦 又始祖溫祚
乃東明第三子体洪大性孝友善騎射 又多婁王寬
厚有威望 又沙沸王一作沙伊王仇首崩嗣位而幼少不
能政即廢而立古爾王或去至樂初二年己未乃崩古
爾方立

武王

古本作武康非也百濟無武康

第三十武王名璋母寡居築室於京師南池邊池龍交
通而生小名薯童器量難測常掘薯賣為活業國人
因以為名聞新羅真平王第三公主善花一作善化美艷無
雙劍後來京師以薯預餉問里羣童羣童親附之乃

作謠誘羣童而唱之云善化公主主隱 他密只嫁良

置音薯童房乙夜矣卯乙抱遣去如 童謠滿京達

於宮禁百官極諫竄流公主於遠方將行王后以純金
一斗贈行公主將至竄所薯童出拜途中將欲侍衛而
行公主雖不識其從來偶爾信悅因此隨行潛通焉然
後知薯童名乃信童謠之驗同至百濟出母后所贈金
將謀計活薯童大笑曰此何物也主曰此是黃金可致
百年之富薯童曰吾自小掘薯之地委積如泥土主聞
大驚曰此是天下至寶君今知金之所在則此寶輸送
父母宮殿何如薯童曰可於是聚金積如丘陵詣龍華山

師子寺知命法師所問輸金之計師曰吾以神力可輸
將金來矣主作書并金置於師子前師以神力一夜輸
置新羅宮中真平王異其神變尊敬尤甚常馳書問安
否薯童由此得人心即王位一日王與夫人欲幸師子
寺至龍華山下大池邊彌勒三尊出現池中留駕致敬
夫人謂王曰須創大伽藍於此地固所願也王許之詣
知命所問頃池事以神力一夜頽山頃池為平地乃法
像彌勒三會殿塔廊廡各三所創之額曰彌勒寺因史
去王
興真平王遣百工助之至今存其寺三因史云是法王
之子而此傳之獨

未詳之子

後百濟

甄萱

三國史本傳云甄萱尚州加恩縣人也咸通八年丁亥
生本姓李後以甄為氏父阿慈个以農自活光啓中據
沙弗城州今尚自稱將軍有四子皆知名於世萱號倫
多智略序碑家記云真興大王妃思刀謚曰白馭夫人
第三子仇輪公之子波珎于善品之子角于酌珎妻王
咬巴里生角于元善是為阿慈个也慈之弟妻上院夫
人第二妻南院夫人生五子一女其長子是尚父萱二
子將軍能哀三子將軍龍蓋四子寶蓋五子將軍小蓋
一女大主刀金又古記云昔一富人居光州此村有一

女子姿容端正謂父曰每有一紫衣男到寢交婚父謂
曰汝以長絲貫針刺其衣從之至明尋絲於此墻下針
刺於大蚯蚓之腰後因妊生一男年十五自稱甄萱至
景福元年壬子稱王立都於完山郡理四十三年以清
泰元年甲午萱之三子篡逆萱投大祖子金剛即位天
福元年丙申與高麗兵會戰於一善郡百濟敗績國三
亡初萱生孺褊時父耕于野母餉之以兒置於林下虎
來乳之鄉黨聞者異焉及壯體兒雄奇志氣倜儻不凡
從軍入王京赴西南海防戎枕戈待敵其氣恒為士卒
先以勞為裨將唐昭宗景福元年是新羅真聖王在位

六年屢豎在側竊弄國權綱紀紊弛加之以飢饉百姓
流移群盜蜂起於是萱竊有心嘯聚徒侶行擊京西
南州縣所至響應旬月之間眾至五千遂襲武珍州自
王猶不敢公然稱王自署為新羅西南都統行全州刺
史兼御史中丞上柱國漢南國開國公龍化元年己酉
也一云景福元年壬子是時北原賊良吉雄強弓裔自
投為麾下萱聞之遙授良吉職為裨將萱西巡至兎山
州州民迎勞喜得人心謂左右曰百濟開國六百餘年
唐高宗以新羅之請遣將軍蘇定方以舡兵十三萬越
海新羅金庾信卷土歷黃山與唐兵合攻百濟滅之予

今敢不立都以靈宿憤乎遂自稱後百濟王設官分職
是唐光化三年新羅孝恭王四年也貞明四年戊寅鐵
原京衆心忽變推戴我太祖即位萱聞之遣使稱賀遂
獻孔雀扇地理山竹箭等萱與我太祖陽和陰尅獻駘
馬於太祖三年冬十月萱率三千騎至曹物城今未詳太
祖亦以精兵來與之角萱兵銳未決勝負大祖欲權和
以老其師移書乞和以堂弟王信為質萱亦以外甥真
虎交質十二月攻取居西詳未等二十餘城遣使入後
唐稱藩唐策授檢校大尉兼侍中判百濟軍事依前都
督行全州刺史海東四面都統指揮兵馬判置等事百

濟王食邑二千五百戶四年貞明五年

信使人請還前年所送駘馬太祖笑還之天成二年丁

亥九月萱攻取近品城今山陽縣燒之新羅王求救於太祖

太祖將出帥萱襲取高靈府今蔚州進軍族始林一云雞林西郊

卒入新羅王都新羅王與夫人出迎鮑石亭時由是甚

敗萱強引夫人亂之以王之族弟金傳嗣位然後虜王

弟孝廉宰相英景又取國珍寶兵仗子女百工之巧者

自隨以歸太祖以精騎五千要萱於公山下大戰太祖

之將金樂崇謙死之諸軍敗北太祖僅以身免而不與

相抵使盈其賁萱乘勝轉掠大木城今若木京山府康州

攻在谷城又義成府之守洪述拒戰而死太祖聞之曰
吾失右手矣四十二年庚寅萱欲攻古昌郡今安東大舉
而石山營寨太祖隔百步而郡北執山營寨累戰萱敗
獲侍郎金溼翌日萱收卒襲破順城城主元逢不能禦
弃城宵遁太祖赫怒貶為下枝縣今豐山縣元逢本順城人故也新羅
君臣以衰季難以復興謀引我太祖結好為援萱聞之
又欲入王都作惡恐太祖先之寄書于太祖曰昨者國
相金雄廉等將召足下入京有同鸞應龜聲是欲鸚
披準翼必使生靈塗炭京社丘墟僕是以先著祖鞭獨
揮韓越誓百寮如皎日諭六部以義風不意奸臣遁逃

再造危邦喪君有君於是卒在足下勿詳忠告徒聽流
言百計窺覷多方侵擾尚不能見僕馬首拔僕牛毛冬
初都頭索湘束手星山陣下月內左將金樂曝骸美利
寺前殺獲居多追禽不小強羸若此勝敗可知所期者
掛弓於平壤之樓飲馬於溟江之水然以前月七日吳
越國使班尚書至傳王詔旨知卿與高麗久通和好共
契隣盟比因質子之兩王遂失和親之舊好互侵疆境
不戢干戈今專發使臣赴卿本道又移文高麗宜各相
親比永孚于休僕義篤尊王情深事大及聞詔諭即欲

祇承但慮足下欲罷不能困而猶聞今錄詔書寄呈請
留心詳悉且免彊迭德終必貽譏蚌鷓相持亦為所笑
宜迷復之為誠無後悔之自貽 二年正月太祖荅

曰伏奉吳越國通使班尚書所傳詔旨書一道兼蒙足
下辱示長書叙事者伏以華軺膚使爰到制書尺素好
音兼蒙教誨捧芝檢而雖增感激闢華牋而難遣嫌疑
今托迴軒輒敷危衽僕仰承天假俯迫人推過叨將帥
之權獲赴經綸之會項以三韓厄會九土凶荒黔黎多
屬於黃巾田野無非其赤土庶幾弭風塵之警有以救
邦國之災爰自善隣於為結好果見數千里農桑樂業

十七八年士卒開眼及至癸酉年惟時陽月忽無生焉

乃交兵足下始輕敵以直前若螳螂之拒轍終知難而
勇退如蚊子之負山拱手陳辭指天作誓今日之後永
世歡和苟或渝盟神其殛矣僕亦尚止戈之正期不殺
之仁遂解重圍以休疲卒不辭質子但欲安民此即我
有大德於南人也豈期歃血未乾凶威復作蜂蠆之毒
侵害於生民狼虎之狂為梗於畿甸金城窘忽黃屋震
驚仗義尊周誰似桓文之霸乘間謀漢唯看莽卓之奸
致使王之至尊枉稱子於足下尊卑失序上下同憂以
為非有元輔之忠純豈得再安社稷以僕心無匪惡志

切尊王將援置於朝廷使扶危於邦國足下見毫釐之
小利忘天地之厚恩斬戮君主焚燒宮闕蕝醢卿佐度
劉士民姐姜則取以同車珍寶則棄之相載元惡浮於
桀紂不仁甚於猱梟僕惡極崩天誠深却日約効鷹鷂
之逐以申犬馬之勤再舉干戈兩更槐柳陸擊則雷馳
電激水攻則虎博龍騰動必成功舉無虛發逐尹卿於
海岸積甲如山禽雖造於城邊伏尸蔽野燕山郡畔斬
吉爰於軍前馬利疑伊城戮隨晤於燾下拔任存今大
之日刑積等數百人捐軀破清川尚州領內縣尚州領內之時直心
等四五輩授首桐藪今桐望旗而潰散京山銜璧以投

降康州自南而來 府具自西移履後攻若此收復

寧遠必期沅水營中靈張耳千般之恨烏江岸上成漢
王一捷之心竟息風波永清寰海天之所助命欲何歸
况承吳越王殿下德洽包荒仁深字小特出綸於丹禁
諭戢難於青丘既奉訓謀敢不尊奉若足下祗承睿旨
悉戢凶機不唯副上國之仁恩抑可紹東海之絕緒若
不過而能改其如悔不可追書乃崔致長興三年敦營
臣龔直勇而有智略來降太祖營捉龔直二子一女烙斷
股筋秋九月萱遣一吉以舡兵入高麗禮城江留三日
取益白真三州船一百艘焚之而去去清泰元年甲午

萱聞太祖屯運州

未詳

遂簡甲士蓐食而至末及營壘將

軍黔弼以勁騎擊之斬獲三千餘級熊津以北三十餘

城聞風自降萱麾下術士宗訓醫者之謙勇將尚逢雀

弼等降於太祖丙申正月萱胃子曰老夫新羅之李立

後百濟名有年于今矣兵倍於北軍尚爾不利殆天假

手為高麗蓋歸順於北王保首領矣其子神劍龍劍良

劍等三人皆不應李禪家記云萱有九子長曰神劍云

成二子大師謙腦三子佐承龍述四子大師聰智五子

大阿干宗祐六子闕七子佐承位興八子大師青立一

女國大夫人皆上院夫人所生也萱多妻妾有子十餘

入第四子金剛身下而多智萱行夢之意欲傳位其兄

神劍良劍龍劍知之憂悶時良劍為康州都督龍劍為

正州都督獨神劍在側伊殮能象使人往康正二州與

良劍等謀至清泰二年乙未春三月與英順等勸神劍

幽萱於金山佛宇遣人殺金剛神劍自稱大王赦境內

云々初萱寢未起遙聞宮廷呼幽聲問是何聲歎告文

曰王年老暗於軍國政要長子神劍攝父王位而諸將

歡賀聲也俄移父於金山佛宇以巴達等壯士三十人

守之童謠曰可憐完山兒失父涕漣洒萱與後宮年少

男女二人侍婢古比女內人能又男等囚繫至四月釀

酒而飲醉守卒三十人而與小元甫者又吳琰忠質等
以海路迎之既至以萱為十年之長尊號為尚父安置
于南宮賜揚州食邑田莊奴婢四十口馬九匹以其國
先來降者信康為衙前甄萱婿將軍英親密語其妻曰
大王勤勞四十餘年功業垂成一旦以家人之禍失地
從於高麗夫貞女不可二夫忠臣不事二主若捨已君
以事逆子即何顏以見天下之義士乎况聞高麗王台
仁厚勤儉以得民心殆天啓也必為三韓之主盍致書
以安慰我王無慙勤於王台以圖後來之福乎妻曰子
之言是吾意也於是天福元年丙申二月遣人致意於

大祖曰君舉義雄壯請在內應以迎王師大祖喜厚賜其
使者遣之謝英親曰若蒙恩一合無道路之梗即先致
謁於將軍然後升堂拜夫人兄事而婦尊之必終有以
厚報之天下鬼神皆聞此語六月萱告太祖老臣所以
投身於殿下者願仗殿下威稜以誅逆子耳伏望大王
借以神兵殲其賊亂臣雖死無憾太祖曰非不欲討之
待其時也先遣太子及正將軍述希領步騎十萬趣天
安府秋九月太祖率三軍至天安合兵進次一善神劔
以兵逆之甲午隔一利州相對王師背長向坤而陳太
祖與萱觀兵忽白雲狀如劔戟起我師向彼行焉乃鼓

行而進百濟將軍孝奉德述哀述明吉等望兵勢火而
整奔甲降於降前天祖勞慰之間將帥所在孝奉等曰
元帥神劔在中軍太祖命將軍台萱等三軍齊進挾擊
百濟軍潰北至黃山炭峴神劔與二弟將軍富達能勇
等四十餘人生降太祖受降餘皆勞之許令與妻子上
京問能免曰始與良劔等密謀囚大王立其子者汝之
謀也為臣之義當如是乎能免俛首不能言遂命誅之
以神劔僭位為人呀脅非其本心又且歸命乞罪特原
其死甄萱憂懣發疽數日卒於黃山佛舍九月八日也

壽七十大祖軍令嚴明士卒不犯秋毫州縣安堵老幼

昔呼方歲謂英規曰前王失國後其臣子無一人慰之
者獨卿夫妻千里嗣音以致誠意兼歸美於寡人其義
不可忘許職左承賜田一千頃許借驛馬三十五匹以
迎家人賜其二子以官甄萱起唐景福元年至晉天福
元年共四十五年丙申滅 史論曰新羅數窮道喪天
無所助民無所歸於是羣盜投隙而作若猬毛然其虜
者弓裔甄萱二人而已弓裔本新羅王子而反以家國
為讎至斬先祖之畫像其為不仁甚矣甄萱起自新羅
之民食新羅之祿包藏禍心幸國之危侵軼都邑虔劉
君臣若禽獸實天下之元惡故弓裔見弃於其臣甄萱

產禍於其子皆自取之也又誰咎也雖項羽李密之雄才不能敵漢唐之興而况裔萱之凶人豈可與我太祖相抗歟

駕洛國記

文廟朝大康年間金官知州事文人所撰也今略而載之

開闢之後此地未有邦國之號亦無君臣之稱越有我刀干汝刀干彼刀干五刀干留水干留天干神天干五天干神鬼干等九干者是酋長領總百姓凡一百户七万五千人多以自都山野鑿井而飲耕田而食屬後漢世祖光武帝建正十八年壬寅三月禊洛之日所居北龜旨

是岑巒之稱若計

有殊常聲氣呼喚眾庶二三百

人集會於此有如人亡隱其形而發其音曰此有人否

九干等云吾徒在又曰吾所在為何對云龜旨也又曰皇天所以命我者御是處惟新家邦為君后為茲故降矣你等須搖峯頂撮土歌之云龜何龜何首其現也若不現也燔灼而喫也以之踏舞則是迎大王歡喜踴躍之也九干等如其言咸忻而歌舞未幾仰而觀之唯紫繩自天垂而著地尋繩之下乃見紅幅裹金合子開而視之有黃金卵六圓如日者眾入悉皆驚喜俱伸百拜尋還畏著抱持而歸我刀家冥榻上其眾各散過浹辰翌日平明眾廢復相聚集開合而六卵化為童子容兒

甚偉仍坐於床衆庶拜賀盡恭敬止日日而天踰十餘
晨昏身長九尺則殷之天乙顏如龍焉則漢之高祖眉
之八彩則有唐之高眼之重瞳則有虞之舜其於月望
日即位也始現故諱者靈武云首陵首陵是崩後謚也國稱大
駕洛又稱伽耶國即六伽耶之一也餘五人各歸為五
伽耶主東以黃山江西南以瀋海西北以地理山東北
以伽耶山南而為國尾俾創假宮而入御但要質儉茅
茨不剪玉階三尺二年癸卯春正月王若曰朕欲定置
京都仍駕幸假宮之南新番坪是古來開田新耕作四故云也番乃俗文也
望山嶽顧左右曰此地狹小如蓂葉然而秀異可為十

六羅漢住地何况自一成三自三成七七聖住地固合
于是托土開疆終然允臧歟築置一千五百步周迴羅
城宮禁殿宇及諸有司屋宇虎庫倉廩之地事訖還宮
徧徵國內丁壯人夫工匠以其月二十日資始金陽聖
三月十日役畢其宮闕屋舍候農隙而作之經始于厥
年十月逮甲辰二月而成消吉辰御新宮理万機而勲
庶務忽有琬夏國舍達王之夫人妊娠於月生卯卯化
為人名曰脫解從海而來身長三尺頭圓一尺悅焉詣
闕語於王云我欲棄王之位故來耳王荅曰天命我俾
即于位將令安中國而綏下民不敢違天之命以與之

位又不敢以吾國吾民付囑於汝解云若爾可爭其術
王曰可也俄頃之間解化為鷹王化為鷲又解化為雀王
化為鷓于此際也寸陰未移解還本身王亦復然解乃
伏膺曰僕也適於角樹之場鷹之鷲雀之於鷓獲免焉
此蓋聖人惡殺之仁而然乎僕之與王爭位良難便拜
辭而出到麟郊外渡頭將申朝來泊之木道而行王竊
恐滯留謀亂急發舟師五百艘而追之解奔入雞林地
界舟師盡還事記所載多異與新羅屬建正二十甲戌
申七月二十七日九干等朝謁之次獻言曰大王降靈
已來好仇未得請臣等所有處女絕好者選入官闈俾
為伉儷王曰朕聞于玄天命也配朕而作有六天之命

卿等無慮遂命留天干押輕舟持駿馬到望山島立待

申命神鬼于就乘岾望山島京南島嶼也乘岾輦下岡也忽自海之西南隅

掛緋帆張茜旗而指乎北留天等先舉火於島上則競

渡下陸爭奔而來神鬼望之走入闕奏之上聞欣欣尋

遣九干等整蘭橈揚桂楫而迎之旋欲陪入內王后乃

曰我與等素昧平生焉敢輕忽相隨而去留天等返達

后之語王然之率有司動蹕從闕下西南六十步許地

山邊設幔殿祗候王后於山外別浦津頭維舟登陸慰

於高嶠解所著綾袴為贄遺于山靈也其地侍從媵臣

二負名曰申輔趙匡其妻二人號慕貞慕良或臧獲并計二十餘口所賈錦繡綾羅衣裳疋段金銀珠玉瓊瑛服玩器不可勝記王后漸近行在上出迎之同入帷宮勝臣已下衆人就階下而見之即退上命有司引媵臣夫妻曰人各以一房安置已下臧獲各一房五六人安置給之以蘭液蕙醕寢之以文茵彩薦至於衣服疋段寶貨之類多以軍夫遴集而護之於是王與后共在御國寢從容語王曰妾是阿踰陁國公主也姓許名黃玉年二八矣在本國時今年五月中父王與皇后顧妾而語曰爺孃一昨夢中圖見皇天上帝謂曰駕洛國元君

首露者天所降而俾御天寶乃神乃聖惟其入乎且以新莊家邦未定匹偶御等須遣公主而配之言訖升天形開之後上帝之言其猶在耳休於此而忽辭親向彼乎往矣妾也浮海遐尋於蒸棗移天復赴於蟠桃嶠首敢叨龍顏是近王荅曰朕生而頗聖先知公主自遠而屆下臣有納妃之請不敢從焉今也淑質自臻眇躬多幸遂以合歡兩過清宵一經白晝於是遂還來船篙工楫師共十有五入各賜糧糗米十碩布三十疋令歸本國八月一日迴鑾與后同輦媵臣夫妻齊鑾並駕其漢諱雜物感使乘載徐徐入闕時銅臺欲午王后爰處中

宮勅賜賚臣夫妻私屬空閑二室分入餘外從者以宿
館一坐二十餘間酌定人數區別安置日給豐羨其所
載珍物藏於內庫以為王后四時之費一日上語臣下
曰九千等俱為庶僚之長其位與名皆是宵人野夫之
號頓非簪履職位之稱儻化外傳聞必有嗤笑之耻遂
改我刀為我躬汝刀為汝諧彼刀為彼藏五方為五常
留水留天之名不動上字改下字留功留德改為神道
五天改為五能神鬼之音不易改訓為臣貴取雞林職
儀置角干阿叱干級干之杖其下官僚以周判漢儀而
分定之斯所以革古鼎新設官分職之道歟於是乎理

國齊家愛民如子其教不肅而威其政不嚴而理况與
王后而居也比如天之有地日之有月陽之有陰其功
也塗山翼夏唐媿興嬌頻年有夢得熊羆之兆誕生太
子居登公靈帝中平六年己巳三月一日后崩壽一百
五十七國人如嘆坤崩葬於龍首東北塢遂欲忘子愛
下民之惠因號初來下纜渡頭村曰王浦村解緩袴高
岡曰綾峴蓋旗行入海涯曰旗出邊賸臣泉府御申輔
宗正監趙匡等到國三十年後各產二女焉夫與婦踰
一二年而皆挽信也其餘臧獲之軍自來七八年間未
有茲子生唯抱懷土之悲皆首丘而沒所舍賓館圓其

無人元君乃每歌輿執悲嘆良久隔二五歲以獻帝立
安四年己卯三月二十三日而殂落壽一百五十八歲
矣國中之人若三天只悲慟甚於后崩之日遂於關之
良方平地造立殯宮高一丈周三百步而葬之號首陵
王廟也自嗣子居登王洎九代孫仇衝之身是廟須以
每歲孟春三之日七之日仲夏重五之日仲秋初五之日
十五之日豐潔之奠相繼不絕洎新羅第三十王法敏
龍朔元年辛酉三月日有制曰朕是伽耶國元君九代
孫仇衝王之降于當國也所率來于世宗之子率友公
之子庶云匝干之女文明皇后寔生我者茲故元君於

幼冲人乃為十五代始祖也所徂國者已曾敗所葬廟

者今尚存合于宗祧續乃祀事仍遣使於恭離之址

近廟上上田三十頃為供營之資號稱王位田付屬本

土王之十七代孫曆世級干祗稟朝旨主掌殿田每歲

時釀醪醴設以餅飯茶菓庶幾尊奠年年不墜其祭

日不失居登王之所定年內五日也芬苾孝祀於是乎

在於我自居登王即位己卯年置便房降及仇衝朝未

三百三十載之中享廟禮曲永無違者其乃仇衝失位

去國逮龍朔元年辛酉六十年之間享是廟禮或闕如

也美矣哉文武王

法敏王謚也

先奉尊祖孝乎惟孝繼泯絕

之祀復行之也新羅季末有忠至匣于者攻取金官高城而為城主將軍爰有英規阿干假威於將軍齋廟亭而淫祀當端午而致告祠堂梁無故折墜因覆壓而死焉於是將軍自謂宿因多幸辱為聖王所御國城之奠宜我盡其真影香燈供之以酬玄恩遂以鮫緇三尺摸出真影安於壁上旦夕膏炷瞻仰虔至才三日影之二目流下血淚而貯於地上幾一斗矣將軍大懼捧持其真就廟而焚之即召王之真孫圭林而謂曰昨有不祥事一何重疊是必廟之威靈震怒余之圖畫而供養不孫英規既死余甚怖畏影已燒矣必受陰誅卿是王之

真孫信合依舊以祭之圭林繼世奠酌至及八十八歲而卒其子間尤鄉續而克禋端午日謁廟之祭英規之子俊必又發狂來詣廟俾徹間元之奠以已奠陳享三獻未終得暴疾歸家而斃然古人有言淫祀無福反受其殃前有英規後有俊必父子之謂乎又有賊徒謂廟中多有金玉將來盜焉初之來也有躬擐甲冑張弓拔矢猛士一人從廟中出四面兩射中殺七八人賊徒奔走數日再來有大蟒長三十餘尺眼光如雷自廟旁出咬殺八九人粗得完免者皆僵仆而散故知陵園表裏必有神物護之自逮安四年己卯始造建今上御圖

十一載大康二年丙辰凡八百七十八年所封美土不
騫不崩所植佳木不枯不朽况所排列万蘊玉之片片
亦不頽圻由是觀之辛替否曰自古迄今豈有不忘之
國不破之墳唯此駕洛國之昔曾三則替否之言有徵
矣昔露廟之不毀則替否之言未足信也此中更有獻
樂思慕之事每以七月二十九日土人吏卒陟乘帖設
帷幕酒食歡呼而東西送目壯健人夫分類以左右之
自望山島駁蹄駸駸而競湊於陸鷄首泛泛而相推於
水北指古浦而爭趨盖此昔留天神鬼等望后之來急
促告君之遺迹也國亡之後代代稱號不一新羅第三

十一政明王即位開耀元年辛巳號為金府置置大

後二百五十九年屬我太祖統合之後代代為臨海縣
置排岸使四十八年也次為臨海郡或為金海府置都
護府二十七年也又置防禦使六十四年也淳化二年
金海府量田使中大夫趙文善申省狀稱首露陵王廟
屬田結數多也宜以十五結仍舊貫其餘分折於府之
役丁所司傳狀奏聞時廟朝宣旨曰天所降卵化為聖
君居位而延齡則一百五十八年也自彼三皇而下鮮
克比肩者歟崩後自先代俾屬蜀廟之權畝而今滅除良
堪疑懼而不允使又申省朝廷然之半不動於陵廟中

半分給於鄉人之丁也節使量田使受朝旨乃以半屬於陵園半以支給於府之徭役戶丁也幾臨事畢而其勞倦忽一夕夢見七八个鬼神執纆緹握刀劍而至云你有大愆故加斬戮其使以謂受刑而慟楚敬焉懼而覺仍有疾瘳勿令人知之宵遁而行其病不問渡關而死是故量田都帳不著印也後人奉使來審檢厥田才一結十二負九束也不足者三結八十七負一束矣乃推鞠斜入處報告內外官勅理足支給焉又有古今所嘆息者元君八代孫金銓王克勤為政又切崇真為世祖母許皇八奉資實福以元嘉二十九年壬辰於元君

與皇后合婚之地倉寺額曰王后寺遣使審量近側平田十結以為供億三寶之費自有是寺五百後置長遊寺所納田柴并三百結於是右寺三剛以王后寺在寺柴地東南標內罷寺為莊作秋收冬藏之場秣馬養牛之廐悲夫世祖已下九代孫曆數委錄于下銘曰

元胎肇啓 利眼初明 人倫雖誕 君位未成

中朝累世 東國分京 雞林先定 駕浴後營

自無銓宰 誰察民氓 遂茲玄造 顧彼蒼生

用授符命 特遣精靈 山中降卵 霧裏藏刑

內猶漠漠 外亦冥冥 望如無象 聞乃有聲

羣歌而奏 衆舞而呈 七日而後 一時所
風吹雲卷 空碧天青 下六圓外 垂一紫纓
殊方異土 比屋連甍 觀者如堵 覩者如羹
五歸各邑 一在茲城 同時同迹 如弟如兄
實天生德 爲世作程 寶位初陟 衆區欲清
華構徵古 土階尚平 万機始勉 庶政施行
無偏無僮 惟一惟精 行者讓路 農者讓耕
四方奠枕 萬姓迓衡 俄晞薤露 靡保椿齡
乾坤變氣 朝野痛情 金相其躅 玉振其聲
來苗不絕 薦藻惟馨 日月雖逝 規儀不傾

居登王

女首露王母許王后立安四年己卯三月二

十三日即位治三十九年嘉平五年癸酉九

月十七日崩王妃泉府卿申輔女慕貞生太

子麻品開皇曆云姓金氏蓋國世祖從金卯

而生故以金爲姓尔

麻品王

一云馬品金氏嘉平五年癸酉即位治三十

九年永平元年辛亥二月二十九日崩王妃

宗正監趙匡孫女好仇生太子居叱弥

居叱弥王

一云今勿金氏永平元年即位治五十六年

永和二年丙午七月八日崩王妃阿躬子干

孫女阿志生王子伊品

伊尸壘

金氏永和二年即位治六十二年義熙三年

丁未四月十日崩王妃司農卿克忠女貞信

生王子坐知

坐知王

一之金叱義熙三年即位娶傭女以女黨為

官國內擾亂雞林國以謀欲伐有一臣名朴

元道諫曰遺草閱閱亦含羽况乃人乎天亡

地陷人保何基又卜士筮得解卦其辭曰解

而悔朋至斯亨君鑒易卦乎王謝曰可擴傭

女貶於荷山島改行其政長御安民也治十

五年永初一年辛酉五月十二日崩王妃道

寧大阿干女福壽生子吹希

吹希王

一之叱嘉金氏永初二年即位治三十一年

元嘉二十八年辛卯二月三日崩王妃進恩

角干女仁德生王子銜知

銜知王

一之金銜王元嘉二十八年即位明年為世

祖許黃玉玉后奉資冥福於初與世祖合御

之地創寺曰王后寺納田十結充之治四十

二年永明十年壬申十月四日崩王妃金相

妙干女邦媛生王子鉗知

鉗知王

一云金鉗王永明十年即位治三十年

二年辛丑四月七日崩王妃出忠角干女淑

生王子仇衡

仇衡王

金氏正光二年即位治四十二年保定二年

壬午九月新羅第二十四君真興王興兵薄

伐王使視軍卒彼眾我寡不堪對戰也仍遣

同氣脫知介叱今留在於國王子上孫卒支

公等降入新羅王妃分叱水介叱女桂花生

三子一世宗用干二茂刀角干三茂得用干

開皇錄云梁中大通四年壬子降于新羅

諱曰案三國史仇衡以梁中大通四年壬子

納土投羅則詳自首露初即位東漢建武十

八年壬寅至仇衡末壬子得四百九十年矣

若以此記考之納土在元魏保定二年壬午

則更三十年揔五百二十年矣今兩存之

三國遺事卷第二

新羅本紀第二

Blank manuscript page with vertical columns.